

DE REPVBLI-
CA GERMANIAE,
SEV IMPERIO CONSTI-
TVENDO,

D. IVLII EPISCOPI NVMBVRGENSIS
Oratio ad Germanos.

Ex ipsius Authoris recognitione multo diligētius q̄ antehac edita.



COLONTIAE
*Apud hæredes Iohannis Quentel, & Geruinium
Calenium, Anno 1562.*

DE REPTA

LIBRARIUS

et

scriba

et

scriba

et

scriba

et

scriba

et

scriba

et

scriba

et

scriba

et

scriba

et

scriba

et

scriba

AD GERMANOS.



VManimaduertam, Principes populiq; Germani, Rempublicā nationis nostræ hoc tempore suo grauitè laborare, incredibile est, quanta animi solitudine afficiar. Quando em̃ Maiores nostri hanc nobis satis beatam reliquerunt, si ea fortè cōcideret, statuere non facile possem, vtrū id miseriū futurū esset nobis, an verò turpius, cūm præsertim nullum illius malum à nobis seiunctū esse possit, & talis se offerat occasio hoc tempore, vt Respublica eadem nostra non solum conseruari, sed etiam ornari facile possit. Quo minùs committendum puto, vt hanc non completamur animis omnes, nec in eam, quantum pro sua quisq; nostrū virili parte potest, conferamus. Quod verò ad me attinet, etsi tenue est, quod possum ego, tamen nè desim meo erga Germaniam nostram qualicunq; officio, quæ mihi de huius commodis ornamentisq; omnibus cogitāti in mentem veniunt, explicare conabor, vt si fortè euentus bonus voluntati meæ atq; consilio responderit, res nostræ secundę nō minùs me delectent, quàm aduersæ hoc tempore cru-

ciant: sin minùs, hæc tamen vox meæ perpetuæ erga
 patriam voluntatis testis esse possit. Ac quia operam
 dare debemus omnes, qui charitate patriæ mouemur,
 vt status eius sit longè optimus: præclare agitur nobis-
 cum, q̃ Maiores nostri Rempub. nostram tam benè
 constituerunt, vt nûc non de noua huius forma indu-
 cenda, sed de veteri vel retinenda, vel recuperâda con-
 silium nos inire oporteat. Itaq; primò ostendâ, vt illa
 è calamitoso quodam statu suo in eum, qui planè bea-
 tus esset, fuerit trās lata, cùm Imperium eius initiò con-
 stitueretur, deinde labes, quas postea ita contraxit, vt
 à beato illo statu in calamitosum recideret, monstra-
 bo. Postremò qua via & ratione non solùm restitui
 ea in locum, vndè decidit, bonum, sed etiam excoli
 atque amplificari possit, docebo. Attendite igitur
 Principes populiq; Germani, & id tribuite mihi, vt si
 non inutilia dixerò, ea nè repudietis. Atque vt, quæ
 de statu Reipub. nostræ primo loco dicenda sunt, affe-
 ram, cōstat Rempublicam omnem sic institui, vt vel
 vnus summæ eius præsit, vel optimates aliquot pari
 cum potestate, vel penès populum sit eiusdem regen-
 dæ potestas. Et si autem postrema hæc forma in ciui-
 tates & populos nō ita magnos vtiliter cadere potest,
 magnis tamen gentibus atque nationibus non est sa-
 tis accommodata. In quibus nisi existant Magistra-
 tus, qui multitudini nobilitate atq; opibus antecel-
 lant, hæc ægrè in officio contineri potest. Quare cū
 initiò

initio homines cœtus inter se celebrare cœpissent, inuenta est Regum potestas, eaq; talis, vt singuli singulis populis cum imperio præessent, ius dicerent, tuerentur bonos, & sceleratos coërcerent: Quod ad eas, quæ constitutæ fuerant, hominum societates tuendas cumprimis aptum esse videbatur. Et quāquā forma hæc Reipublicæ, q̄ ad similitudinem procurationis eius, qua Deus vnus vniuersum hoc quod cernimus, moderatur, proximè accederet, fuit omnium optima: inductus est tamē postea Optimatū status, cum nec vnus, nec multi, sed pauci, ijq; dignitate & potestate inter se pares, singulas res pub. gererent. Atque hoc genus etsi per se bonum, & ciuitatibus liberis vtile semper fuit, tamen nec ipsum gentibus maioribus æquè ac Regia potestas conducere potuit. Nā vnus in Republica Princeps, qui potestate sua aliorū om̄ium potestatem cōplectitur, nec vllū habet summi honoris sociū, concordem, quietum atq; beatum Reipub. statum facilius, quā Optimatū procuratio, retinere potest: Quippe cum vsu veniat, vt inter eos, qui pari sunt cum potestate, faciliè nascantur simultates, è simultatibus factiones, è factionibus autem motus graues atq; Rebus publicis perniciosi. Cuius quidem rei documentum statuerunt Græci eo tempore, cum & sapientiæ, & eloquentiæ, & rei militaris gloria floreret maximè. Nam cum ciuitates horum singulæ suos haberent Magistratus, qui pari cum potestate fo-

rent:&tamen quidam eorundem,vt fit, summam rerum appeterent, & alijs Græcis imperare cuperent: extiterunt sæpè in natione eorum bella intestina, & ipsi patriam suam ijs armis, quibus defendere debabant,miserandum in modû dilacerauerunt, cû modò Athenienses & Megarenses, modò Athenienses & Lacedæmonij, modò Lacedæmonij atq; Thebani inter se bella infestis animis gererēt, & seip sos ità cōficerent, vt fracti tandèm atq; debilitati, in Macedonû potestatem cōcederent, & dura seruitute opprimerent. Quo tempore visum fuit Græcis ad Rempub. nationis suę benè administrandam hoc vnum deesse, quòd eadem non vnus imperio vniuersa contineretur. Et quanq̃ Romanorum respublica, cû post Reges exactos ab Optimatibus regeret, & creuit mirabiliter & effloruit: id tamen, cû illi intra mœnia vnus vrbs concluderent, nec horum quisq; tam diù magistratû suû gereret, vt Rempub. premere grauius posset, fuit aliquanto facilius, quàm si locorum interuallo disiuncti, alij alijs ciuitatibus aut populis præessent. Sit igitur positû hoc atq; fixum, quod ratio summa atq; ipse rerû euentus declarat, gentibus magnis atq; nationibus eam Reipub. formam, quæ vnum habet Principem, longè aptissimam esse atq; vtilissimâ. Nunc verò, vt hæc ad rem, de qua hoc loco agimus, conferant: sic habetote, Rempub. nationis nostrę primò multos Principes atq; Reges, qui pari essent cum potestate, habuif-

habuiffe: fed poſtea quàm Imperium eius cōſtitutum fuit, vni Imperatori procuratiōē huius ſummam creditam fuiſſe atq; commiſſam. Et quāquàm ex ijs, quæ iam diximus, perſpicuū eſt, vter Reipublicę ſtatus, priorne ille, an poſterior, per ſe melior fuerit, & publicis huius rationibus vtilior, tamen non puto alienū eſſe ab inſtituto noſtro, ſi de eo ipſo paulò accuratiùs, explicatiùsq; egero. Conſtat è veteri Annaliū memoria, Maiores noſtros fidei, conſtantiæ & fortitudinis gloria ſemper floruiſſe: verū tamē cū necdūm in vnū quaſi corpus coaluiſſent, nō modò non Imperiū conſtituere potuiſſe ſibi, ſed nec ſua, vt oportebat, tutatos fuiſſe atq; cōſeruāſſe. Nam cū qui præeſſent Reges, ſingulis populis pari cum poteſtate imperarēt, nec legibus, nec iure æquabili inter ſe iungerentur, in commune conſuluerunt minimè: ſed potiùs horū quiſq; ad priuata commoda ſua omnia retulit. Quin ijdem ob cauſas neſcio quas & iniurias, quas Reipublicę donare potiùs, quàm cum huius damno perſequi debebant, bellis inter ſe grauibus ſæpè conſlietati fuerunt. Hinc peruerſus ille mos, vt & patriam ſuam vexarent, & agros quiſq; vicinorum, ſi poſſet, popularetur, nec ſociorum armis, in quibus nullum præſidium ſibi poſitum eſſet, ſed vaſta potiùs ſolitudine ſua munire vellet, eaq; nō ſatis tuta eſſe arbitraretur, niſi à regno ſuo vicinorum poſſeſſiones quàm longiſſimè dimouiſſet. Quanq̃ autem nationis noſtræ Reſpub. in hunc ſtatum

statum malum atque prauum inciderat, tamen fortitudo Maiorum nostrorum atque rei militaris gloria exterarum gentes terruit, nè eos armis facile lacefferent. Et Romani ipsi non antè, quàm Asiæ, Africæ, atq; toti ferè Europæ imperarent, eis bellum intulerunt. Sed tamen cùm cernerent, Maiores nostros in factiones distractos esse, arte magis atq; callida consiliorum ratione, quàm vi & armis, ipsos debilitare atque opprimere studuerunt. Vt enim Philippus Macedonũ Rex simultates atque inimicitias ciuitatum Græciæ olim aluit, easq; ità cõmisit inter se, vt suis ipsæ armis frangerentur: ità Romani materiam seditionibus atque intestinis bellis Maiorum nostrorum subiecerunt, vt gens bellicosa suis ipsa viribus conficeretur. Non dubitârat Germanicus eo tempore, quo Tiberius Romæ imperabat, Cattis atque Cheruscis strenuis atque fortibus Germaniæ populis bellum inferre. Et quancum cum his prælia quædam fecerat secunda, tamen cùm Arminius, qui cõtra illum arma tulerat, inuito animo bellum ità semper redintegraret, vt laceffitus esse potius quàm victus videretur, & clades illa funesta, quam Quintilius Varus ab eodem Arminio acceperat, in memoria atq; sensibus romanorũ adhuc hæreret: eam consilij ratione iniuit Tiberius, vt Germanicus ab armis discederet, & relinqueret locũ maioribus nostris conflandi inter se, vt tandem debilitati, málent in Romanorum, quorum ope indigerent, potesta-

potestatem concedere vltro, quàm vicinorum iniurias ferre. Neq; verò Imperatorem hæc spes sua fefellit. Nam inuentus est nō ità multò pòst Maroboduus Sueuorum rex, qui, vt Romanis rem gratam faceret, Ariminio, qui Cheruscas atque Longobardos ducebat, bellū inferret. Quo confecto, Drusus Catualdam Germanum potetē sanè hominem excitauit, vt in Maroboduum ob iniuriam, quā ab eo se accepisse arbitrabatur, impetum faceret. Ac cū hic ab hoste illo suo victus & regno pulsus foret, fecit Tiberius vt Rauennam migraret: & homo magnus ac nobilis à Sueuis suis diuulsus, in hoc perpetuo quasi exilio reliquū ætatis suę cōsumeret. Verū cū postea Marobodui factio Catualdam ditione, quā habuerat, vicissim exuisset, fuit hic quidē à Romanis in Galliam Narbonensem missus, & quodam modo relegatus. Atq; ita Principes ambo crepti fuerunt Germanię, vt quanto plus præsidij in vtriusq; consilio atq; potentia nationi huic nostræ positū esse videbatur, tanto magis vires eiusdem extenuarentur. Secuta sunt deinceps ea, quæ Tiberius præuiderat: vt cū maiores nostri intestinis motibus multum sanguinis ciuilis haussissent, seq; attriuisent ipsos, magna ad imperium Romanū accessio fieret: & populi quidam Germaniæ non inuiti in Romanorum potestatem venirent, vt horum præsidio cōtra vicinos infestos munirentur. Et quam postea eorundem virtute magna sæpè ac periculosa

culosa bella feliciter confecta fuerunt: tamen ea fuit
ipforum conditio, vt, cum maximas res sub alienis au-
spicijs gererent, sibi tamen atq; patrię communi nul-
lum honoris atq; dignitatis splendorem acquirerent:
acquirerent dico? immò quanto magis opes alias,
easque libertati suę infestas, firmarent, tanto plus de-
trimenti patria nostra caperet, eiusque libertas magis
labefactaretur: cum præsertim arma, quibus gloriosè
vti possent, pro arbitratu eorum in quorum potesta-
te erant, non solum contra exteras gentes, sed etiam
contra Germanos, qui libertatem suam defendebant,
ferrent, atque adeò patriam ipsam oppugnant. Sed
quorsum hæc? Vt intelligi possit, qualis fuerit Ger-
maniae nostrę status eo tempore, cum non vnus, sed
paucorum imperio regeretur. Cuius calamitas docu-
mentum dedit, quàm illa Optimatū potestas, aut pau-
corum dominatio per se non utilis fuerit nationi no-
stræ, vel ad libertatem retinendam, vel ad opes augen-
das, vel ad gloriam, & verum decus pariendum: quip-
pe cum gens præpotens, & ad imperium Orbis terræ
nata, ipsa sibi plus damni, quàm commodi attulerit,
quoad ei nec virtus, nec rei militaris ars, sed ea imperij
forma, qua omnes illius vires contraherentur in vnū
atq; iungerentur, & illa beata animorum consensio
deesset. Ac Germania quidem nostra, cum semel op-
pressa esset, non antè respirare potuit, quàm imperi-
um Romanum sua magnitudine ac quasi molè labo-
rans,

rans, ruere inciperet. Quo tēpore maiores nostri non solum in pristinam libertatem se vindicārent, sed ir-
ruperunt etiam in exteras Romanorum Prouincias,
casque vi & armis in suam potestatem redegerunt. Et
quāquā tum virtus eorū magis, quā antē, eluxit,
tamen eam vim nō habuit, vt patriæ solidos, quos de-
bebat, fructus ferret. Neq; enim id quæsiērūt milites
nostri, eorumq; Duces, vt quas cepissent ciuitates, &
populos gentesq; viciissent, adijcerēt Imperio patriæ,
quod necdum constitutū erat, sed vt illā intestinis fa-
ctionibus dissipatā fugerent, & in exteras prouincias
Romanorū tanquā in colonias migrarent: nec am-
plius de patriæ, sed earū potiūs regionum, in quibus
confedissent, cōmodis ornamentisq; cogitarēt. Hinc
regna illa Europæ, quæ maiores nostri constituerunt:
Galliæ Franci, Hispaniæ Gothi, Britāniæ Saxones, &
Galliæ Cisalpinæ Longobardi. Prætereo hīc prudens
Sueuos, Vandalos, & Burgundiones, qui simul ac pe-
des suos è finib; patriæ nostræ extulerant, maximas res
gesserūt. Sed hos oēs peregrinæ sedes, in quas migrā-
rant, itā delectārunt, vt eas ipsas patriæ, in qua geniti
erant, anteponerent. Cū tales essent maiorū nostro-
rum sensus atq; volūtates, etsi quascunq; Orbis terrę
regiones pagarent, in eis vestigia excellentis cuiusdā
virtutis impressa relinquerent: id tamē parū vtilita-
tis Germaniæ nostræ attulit, nec ea antē, q̃ in vnum
planē coirēt & in vnius potestate esset, efflorescere,

& veram dignitatem consequi potuit. Quo meliùs de hac patria nostra meritus fuit Carolus ille Magnus, cum Saxonum populos potentes & planè bellicosos diuturno bello domuit: non vt delerètur, sed vt cum alijs potiùs Germaniæ populis coniungerètur. Quod postea quàm feliciter sanè euenit, statuere nequeo, utrùm id victis, an victori maiorem vtilitatem attulerit. Nam hoc pulcherrimum post homines natos factum non minùs salutare fuit Saxonibus atque Germaniæ cunctæ, quàm Carolo Imperatori gloriosum, cum præsertim Princeps hic optimus Saxones alijs Germaniæ nostræ populis ità adiunxisset, vt non solum de Republica, sed etiam de religione dei immortalis idem, quod hi, sentirent. Quo tempore cum ità natio nostra in vnum coaluisset, vt & vnus imperio pareret vniuersa, & vnum Deum atq; Dominum IESUM Christum veneretur: tanto magis omni bonorum genere aucta fuit, quanto minùs sub dominatione paucorum, eaque factiosa, crescere potuerat. Nam eo tempore à moribus horridioribus ad eam mansuetudinem traducti fuerunt Maiores nostri, vt legibus & iure æquabili viuerèt libentè: nec patriam, vt antè, intestinis bellis dilacerarent, eique vastitatem inferrent, sed iuuarent potiùs quibuscunq; rebus possent, atque tuerentur: nec solitudine delectarentur amplius, sed cœtibus hominum iure sociatorum, nihilque eorum, quæ ad Rempub. ornandam pertinere videban-

bantur, præmitterent. Itaque ubi antè fuerant saltus ferarum, congregati sunt maiores nostri, & cœtus inter se celebrare cœperunt: ubi delubra idolorum atque dæmonum fuerant, templa, sedes atque collegia Sacerdotum, qui nomen Dei vera cum pietate inuocarent, & pro vniuersa ECCLESIA supplicarent, Sacris operarentur, & gregem Domini salubritèr pascere, construxerunt. Vbi deniquè solitudines vastæ fuerant, cœnobiarum religiosorum atque Sanctorum hominum, qui quanto longiùs se à spinis huius mundi dimouissent, tanto diligentiùs Scripturas sacras euoluerent, & in res diuinas incumberent, constituerunt. Breuiter, talis eo tēpore Germaniæ nostræ status collocatus fuit, vt in ea vigeret concordia, vigeret iustitia, vigeret pietas & religio vera: & qui summæ rerum præflet vnus, tanta cum potestate esset, vt statum illum Reipub. beatum conseruare, & seditiosos atque hostes patrię coercere faciliè posset. Quarè cùm Respublica patrię nostrę tam benè cōstituta esset, & vinculis illis optimis contineretur, non potuit non mirabiles suū amores excitare: nec inuenti sunt ampliùs populi Germanię nostrę, qui vt antè desererent hęc, & peregrinas sedes quęrerent: nec vtri alteros opprimerent, sed vtri de patria communi meliùs mererentur, inter se magna cum gloria certauerunt. Et cùm Maiores nostri virtutes tantas cum fortitudine, cuius gloria semper floruerant, coniunxissent, patriam non

solùm singulari animorum consensione defenderūt, sed etiam, quibuscunq; rebus possent, ornauerunt, & ipsi in oculis omnium gentium viuere cœperunt.

Iam verò etsi Carolus ille Magnus Imperiũ, quod virtus Romanorum in Occidente constituerat, recuperauit, idq; non sinè magno & Francorum & Maiorum nostrorum honore, & ei vt Germano ob præclarain Rempub. merita diadema Imperatorium solenni ritu impositum fuit: tamen cùm liberi eius atque posterì Imperium hoc tanq̃ hereditatem paternam adirent, Gallia, quam iidem incolebant, ità sibi idem Imperium vendicauit, vt possessione eius maiores nostros excludere conaretur. Sed cùm post Arnulphum, qui magnum dedecus in gentē Carolinam intulerat, Imperium iterũ labasceret, ab eoq; deficerent Proinciæ magnæ, cùm nec magnum in familia illa præsidium sibi positum esse ampliùs sentirent, & Hunorum, qui erāt infestissimi nominis Christiani hostes, opes indiès magis ac magis crescerēt, & tantę essent, vt Germaniam etiam ipsam in periculum adducere viderentur: extitit Henricus Saxo, quem Principem Aucupem Maiores nostri appellârunt, cuius tanta, tamq; excellens fuit virtus, vt non solùm Germanorum, sed etiam eorum qui in Gallia domicilium habebant, Francorũ oculi in eum essent cõiecti, idemq; & lenire desiderium, quod suũ reliquerant superiores illi Carolini optimi principes: & damna, quæ post illos

illos Imperium fecerat, sarcire posse videretur. Itaque cum Maiores nostri summam rerum suarum ei commisissent, eandem ita ille administrauit, vt Principes nationis nostrae certos ad officium reuocaret, & robustissimas copias Hunorum, qui infestis signis & armis Saxoniae bellum intulerant, ad Merseburgum praelio vinceret. Ex his quasi fontibus cum ille ad bonam omnium Christianarum gentium existimationem profuisset, dignitas Imperatoria ad eum singulari earundem consensu delata fuit. Sed cum pro ea, quam est Spiritus sancto hauserat, modestia honorem amplissimum minimè appeteret, nec alium è meritis erga Rempublicam suis fructum repeteret, quam vt publicis rationibus bene consulere: contentus eo, in quo collocatus erat, dignitatis gradu, in altiore illum ascendere noluit. E quo facto eius incredibile est, quantum Christianae virtutis eluxerit: & gloria eius, quae ipsum quasi fugientem persequi visa fuit, quantum aucta cumulatamque fuerit. Huius filius Otho princeps summa virtute, & talis planè, vt eum deus ad Imperium Orbis terrae recuperandum genuisse videretur, cum patri de Germania nostra optimè merito successisset: certè quam Rempublicam nostram ab eo bene constitutam atque pacatam acceperat, non solum conseruauit, sed etiam auxit atque mirabiliter ornauit. Qui cum Belgas praelio victos atque fusos in potestatem suam rede gisset, atque imperio suo Boislauum Bohemorum principem & popu-

& populum eius fortem atque bellicosum adiunxisset: & maximas Hunorum, qui eo tempore videbantur perhorrescenda esse bellorum fulmina, copias deleuisset: certè virtus huius in illustri quasi loco sita, non potuit alijs gentibus obscura esse. Ac cum idem omnes ætatis suę Reges & fortitudine, & rerum gestarum gloria superasset, nec haberet quo cum cerneret amplius, seipsum tandem superare non dubitauit: Quippe qui in maximis victorijs atq; triumphis pro ea, quam Deus ipsi inseruerat, charitate ita moderatus fuit cupiditates suas, vt neminem læderet, ius suum cuique tribueret: & liberare eos, qui seruitute premerentur, quàm vllis durior esse nalllet. Nouerat enim ita armis suis vt, vt frangeret superbos, oppressos subleuaret: & de omnibus, quoad eius facere posset, benè mereretur. Nam vbi Hugo vir nobilis atque affinis eius, cuius magnæ in Gallia opes erant, contra Ludouicum Regem, cuius in potestate esse debebat, arma nefaria cepisset: etsi Otho noster è ruinis regni illius res suas amplificare posset, maiorem tamen officij quàm vilitatis suę rationem habuit. Nam exercitum quem compararat, satis magnum in Galliam duxit, tulit auxilium Regi, & Hugonem principis sui dicto audientem esse coëgit. Ac cum Berengarius & Græci Italiam vexarent, & ei nationi, quæ olim Orbi terræ ius dixisset, leges duriores imponerent: Romani perspecta Othonis atq; Maiorum nostrorum virtute,

tute, vt feruitute turpi liberarentur, fidem optimi huius Principis implorauerūt. qui cū se nō sibi solū, sed etiam patriæ, nec sibi & patrię tantū, sed vniuersis gentibus, quę ope sua indigerent, natum esse arbitraretur, Italiæ subuenit: Græcos in Calabria & Apulia profligauit, Berengarium autem insolentem compressit ac cepit: easq; res in illo Orbis terrę quasi theatro gessit, vt omnium gentium animos in se conuerteret: nec faciliē statuas, vtrū hic maiorem fortitudinis suæ, an iustitiæ atq; benignitatis fructum ceperit. Certē Itali cū beneficio ipsius ad spem pristinæ libertatis reuixissent, hunc ipsum tanquā vnum aliquem ē cælo delapsum, qui rebus suis atque Christianorum omnium afflictis atque laborantibus succurreret, intuiti fuerunt atque obseruârunt. Et quia Maiorum nostrorū virtus illis itā affulserat, vt existimarent non modō non miserum esse in horum venire potestatem, sed beatū planē, salutatus est Otho à Romanis Imperator Orbis terræ, idque singulari totius Italiæ cōsensu & applausu: atq; itā dignitas hæc summa cum regno nationis nostræ iterū se coniunxit. Habetis hīc Germani primordia Imperij nostri, & intelligitis præclarē hoc ornamentum non vi vlla crudeliore, sed pietate potius erga Deum immortalem, fortitudine vera, iustitia atque benignitate nobis partum fuisse: immō Deum ad nos itā detulisse idem, vt ab eo iam tempore suum quasi domicilium in Ger-

mania nostra collocatum habuerit. Videtis iam, videtis Principes populique Germani, vt Respublica nationis nostræ effloruerit olim: nec rationes huius antè constitui potuisse, quàm penès vnū summa eius potestas esset. Ad quem honorem regium cū Imperatoria & dignitas & Maiestas accederet, talis extitit reipub. nostræ forma, vt melior ne excogitari quidem posset: & Germania nostra tanto honoris splendore fuit ornata, vt Sol hic nullum vnquàm viderit maiorem. Et quanquàm Imperium, quod Otho ille Magnus in Germaniam nostram intulit, vel retulit potius, magnitudine ipsa non par fuit alijs Imperijs, quorum singula in multas gentes potestatem habuerunt: non minus tamen fuit honore, & beneficentia multo maius: Quippe quòd ità se accommodauerat pietati atque legibus Christianis, vt quas vicisset gentes Barbaras, non sibi magis, quàm Christi regno adiungeret: ac Prouincias suas, socios atque amicos ità tueretur, vt non tam Imperium, quàm quoddam Orbis terræ patrocinium esse videretur. Cuius quidem rei cū Henricus primus fortissimus ille atque optimus Princeps rationem haberet, & Sarracenos à ceruicibus Italarum depulit, recepta, quā occupauerant, Capua: & cū Pannoniæ regē fregisset, māluit hunc secum affinitate iungi, vt ipse atq; populus eius sacro baptismo initiati, Christi regnum augerent, quàm in eos, à quibus maiores nostri graues iniurias acceperant,

rant, durius aliquid statuere. Quod Imperatoris beneficium propè diuinum quantam vtilitatem vniuerso Orbi Christiano pepererit, non facile dixerim: certè illud satis constat, Pannonos nō minùs ab eo iam tempore rebus Christianis profuisse, quàm antè nocuerant. Nam quibus armis Christianorum sanguinem hauserant, eisdē postea Sarracenos atq; turcas ità profligârunt, vt à nostris atq; alijs Christianarū gentium ceruicibus arcerentur. Nec minor fuit beneficentia huius eiusdē Imperatoris erga Sarmatas: erga Sarmatas dico? immò verò p Sarmatas erga vniuersum nomen Christianū. Nam cū regem horū nouis rebus studentē ad officiū reuocâisset, facilè passus est à se impetrari, vt eidem Regi eam ferret opem, qua Rutheni victi adijcerent regno ipsius, & à superstitiōe ad Christi religionē salutarē traducerent. Quo tēpore quanta accessio facta fuerit ad res Christianorū, & in virtute atq; potentia Sarmatarū alijs nationibus contra immanissimas Scytharū gentes quantū præsidij esse cœperit, res ipsa nobis etiā tacentib⁹ declarat. Sinite me hoc loco pterire Conradorū atq; Fridericorū nostrorum res fortissimè gestas. Qui rebus Christianorū in Asia laborantib⁹ succurrere, & Sarracenis infestissimis Christiani noīs hostibus, sua atq; Maiorū nostrorum capita obijcere nō dubitauerunt. Nam horū consilia atq; facta fortia singulatim cōmemorare nimis longū esset: illud tamen, quod & res & locus hic postulat,

dicendum est omninò, Maiores nostros eam iustitiam benignitatemq; cum fortitudine summa coniunxisse, vt ipsorum Imperium magis beneficètia quàm vi constaret: Quippe cùm non ad suam potentiam, sed DE I gloriam & salutem Orbis terrarum, omnia ipsi referrent. Itaque visum fuit beatum esse, non solum à Maioribus nostris defendi, quotiès opus esset, sed etiam vinci, cùm libertatē pristinam non amitterent victi, sed vberiore potiùs libertate, quę veram eis felicitatem in Domino nostro IESV Christo afferret, cumularentur: nec maiorem victores ipsi, quàm victi, fructum rerum ab illis benè gestarum consequerentur.

Nunc verò cùm Respub. nostra tam benè constituta esset, & ei vnus Imperatoris principatus tantum bonorum pareret: ita quidem vsu venit, vt in ea planè beata atq; florente omnes omnium Ordinum homines & beatiùs, & coniunctiùs inter se, quàm vlli vspiam exterarum nationum homines viuerent. Quippe cùm nihil eorum, quę ad optimum Reipublicę statum pertinent, in ea desideraretur: nec tranquillitas, nec honestas, nec honor, nec dignitas, vt, ad quascunq; viuendi partes se Maiores nostri darent, inuenirent quod rationibus suis aptū foret. Ad horum bonorum cumulum accessit religio Christiana & ius æquabile, quibus nihil melius vel esse, vel excogitari potest. Religio, qua Christum Seruatorem

nostrum Optimum Maximum singulari pietate co-
lerent, & è Spiritu sancto tantum charitatis haurirent,
vt idem planè & vellent & sentirent, & inter se arctis-
simè iungerentur, & quod bonorum omnium caput
est, Deum per eundem Christum Dominum nostrum
perpetuò propitium haberent. Ius autem æquabile,
quo summi & infimi æquè ità tenerentur, nulli vt li-
ceret in Republica nostra vim suscipere, ac eos qui mi-
nùs possent, opprimere. Et quanquàm penès Impe-
ratorem erat summa potestas, & videtur ipse Lex ef-
fe quædam viua atque loquens: máluit tamen Maio-
res nostros vt iure scripto, eoquæ optimo, quàm ad
suum nutum reuocare omnia: neque id iniuria. Est
enim à Platone sapientè scriptum, Nullam ciuita-
tem atque Rempubicam, in qua nò lex magistratui,
sed magistratus legi imperat, diù conseruari posse.
Ac mea quidem sententia ius, si scriptum sit, eo plu-
ris faciendum est, quòd nò, vt homo, gratia aut odio
vllius moueri, & ab eo, quod iustum est, flecti po-
test, sed potiùs omnibus semper est æquum. Quandò
autem in Repub. nationis nostræ religioni sic fuit lex
adiuncta, vt illa à maleficio auerteret volètes, hæc au-
tem nolentes deterreret, & arma è manibus seditio-
forum extorqueret, homines nostri in officio facilè
contineri potuerunt, vt vitia fugerent, & recta officia
perpetuò præstarent. Breuitè, ità comparatum fuit,
vt singuli singulorum ordinum homines in patria

nostra sic viuere possent, vt nuspiam melius beatusq; . Nam rustica plebs, simulac leges & iusta Imperatorum potestas Germaniam nostram latrocinijs ac motibus intestinis repurgauerant, tueri rem suam familiaré atq; agros colere melius, ex eisq; quos perciperet fructus exportare ad alios, ac vèdere tutò potuit. Ac quo minùs facultates huius ab ijs, quorù in potestate esset, exauriri aut extenuari possent, cautù fuit, nè canon, quem in singulos annos pendere soleret, contra consuetudinè inueteratà augeret. Hinc plebis illius opes, diuitiæ, & vita beata. Urbana autem ab eo iam tempore, quo Respublica nostra tam benè còstituta fuit, nò solum, vt antè, operis rem sibi parauit: sed etiam mercaturà exercuit, & in patria pacata mirù in modù creuit. Quæ eadem vrbes, in quas se incluserat, sic muniuit atq; ornauit, vt in eis tutò & honestè habitaret. Itaq; in natione nostra tot extiterùt ciuitates liberæ atq; florentes, quot in nulla alia natione inuenias. Ac si quæ harum in potestate principum atq; nobilium essent, harù libertati ità còsuluerunt Maiores nostri, vt nec ab eis vllum tributù extra ordinem exigì posset, nisi aut ordinum Germaniæ, aut procerum cuiusq; regionis consensus accederet. De nobiliù autem ordine quid dicam? Ij quidem gradibus iam indè ità distincti fuerunt, vt qui summi essent, ornarentur Principum dignitate: Medij, Comitù atq; Baronum: Infimi autem, equestris essent loci. Ac si vspiam, certè in Re-

in Republica nationis nostræ magnæ & egregiæ Principum gētes versatæ sunt diu, & populis magnis præfuerunt. Comites autem ipsi atq; Barones, quanuis non tantum possent in Repub. nostra, quātum Principes: tamē itā constitutæ fuerunt rationes eorum, vt locupletes essent, ac si non integras regiones, castella tamen haberent atq; territoria certa, quibus imperaret. Qui autem inferioris essent ordinis nobiles, cū eorum virtute res militaris potissimū niteretur, in exercitibus Maiorū nostrorū semper honestos duxerunt ordines, & domi etiam habuerunt, quo honestè atq; vtilitè vitam agerent: Quippe cū rustica plebs & castella certa in potestate ipsorū essent, & ipsi in cōsilia Principum & Imperatorū adhiberentur, & ciuilibus muneribus, ijsq; honorificis fungerentur. Atq; vt arma, quibus vterentur, haberēt expedita, & equos atq; familiam militarem de suo alere possent, itā institutum fuit à Maioribus nostris, vt censu abundarent, nec patrimonij muneribus facultates eorū extenuarentur. Ac cū ē censu, agris, & villis tantum, quantū cuiq; ad se familiamq; suam alendam satīs esset, perciperent, & rem suam honestè & sine alterius damno augere possent: voluerūt maiores nostri, vt hisce emolumentis cōtenti, fœnore atq; mercatura abstinerēt: eoq; ipso prudenter cautum fuit, nè si iidem illiberali quæstus genere caperentur, angustiores redderentur animi ipsorum, & suam pristinam magnitudinē, sinē
qua

qua nec domi neque militiæ res benè geritur, amitterent. Veruntamen cùm illi rem suam familiarem nō æquè, atquè plebeij homines, augere possent, vt hoc ipsorum quasi damnum quoquo modo sarciretur, tributum fuit eis, vt ad honores cùm ciuiles, tum verò etiam Ecclesiasticos acquirendos, plus opportunitatis haberent. Quin patria nostra cum approbauit morem, vt non alij, quàm nobiles in collegia Maiorum Ecclesiarum cooptarentur, & Ecclesia tanquàm mater benigna eisdem suppedicaret, vndè commodè viuere possent, vt egentibus succurrerent, Deum colerent perpetuò, & Ecclesiæ Christianæ vtilem sanè operam nauarent. Ac quia iidem in oramaris Baltici regiones magnas, Prussiam atque Liuoniam, sibi atque adeò Christo parère coegerant, in his & arces & ciuitates condiderunt: atque vt, quæ virtute magna & rebus fortissimè gestis sibi ac patriæ peperissent, tuerentur, ex eisq̃ue emolumenta iusta caperent, institutus est Ordo ille diuæ Virginis, qui regionum illarum potiretur, & cautum, nè in hoc veluti sodalitium, cuius partes erant cum gentibus Barbaris, & à religione nostra auersis bellum continentèr gerere, alijs quàm nobilibus Germaniæ nostræ aditus pateret. Quod cùm initio rei Christianæ propagandæ cum primis vtile fuerit, vellem equidem à finibus Barbarorum hostium dimoti non fuissent milites illi nostri, eoq̃; minùs negociũ, quod magno cum honore nationis

nationis nostræ, & vtilitate Reipublicæ Christianæ
susceperant, intermisissent: nec coacti fuissent confi-
ctari cū ijs, à quibus si adiuti fuissent, haud dubiè ma-
iorem vtriq; virtutis suæ fructum cepissent. Sed vt il-
luc reuertar, constat ex ijs, quæ commemorauimus,
postea quàm Germania nostra in vnus venit pote-
statem, & Romani Imperij dignitas in eam translata
fuit, non solum de libertate huius decessisse nihil: sed
omnes etiam omnium ordinū homines in ea & libe-
rius & cōmodius, q̃ vllæ vspiām gentes, vixisse: Quin
tantum dignitatis atq; honorū adeptos fuisse, quan-
tum alij aliarum gentiū homines vix optare auderēt.
Quarum rerū cupiditas magnis animis ita sæpè inna-
scit, vt sinè his se beatos esse posse minimè existimēt.
Est quidem ea iustitiæ ratio, quæ vni tantum tribuit
quantum alteri, sub quam contractus atq; maleficia
cadunt, ad retinendum bonum aliquem atque tran-
quillum Reipub. statum vehementer apta, sed nō mi-
nùs apta, quæ præmia decernit bonis atq; magnis vi-
ris, & dum conditionis cuiusq; virtutis, atq; meritōrū
rationē ducit, non tantum impertit infimis, quātum
summis, nec tantum ijs, qui sua, quàm qui publica
negocia curant. Atq; vt vtraq; iustitiæ ratio omnem
hominum societatem probè tuetur, & concordia cō-
iunctionemq; fouet atque alit: ita si Respub. vlla vel
vtranque, vel alteram desideret, nec concors hæc esse
potest, neq; beata, cū præsertim in ea magnam esse

D

mate-

materiam & quasi segetem odiorum atque factionum
necesse sit. Quo melius constituta fuit Respublica Ger-
maniae nostrae, in qua Principes viri, qui summum no-
bilitatis splendorem virtute Maiorum suorum trahe-
rent, excelsam illam, in qua maiores ipsorum fuerant,
dignitatis sedem hereditario iure obtinerent, nec facile
hic eorum locus, cum alijs aliorum ordinum homini-
bus communicaretur. Qui cum ita nati essent, ut in pa-
tria nostra & opibus & honore florerent, atque ceteris
omnibus antecellerent: non fuit, cur eos aut conditio-
nis suae, aut patriae, in qua tam honorati essent, pœni-
teret: Quippe cum horum quidam in eo honoris gradu
forent collocati, ut in comitijs Imperatorijs ius habe-
rent suffragij ferendi: & virtus eorundem, cum summa
nobilitate coniuncta, in ea ratione tantum haberet prae-
rogativae, ut ipsi sibi ad Imperatoriam dignitatem, qua
nulla post hominum memoriam maior in ullo regno
extitit, viam patefacere possent. Et quamquam Comi-
tum, si qui virtute excelleret, etiam ratio aliquoties
habita fuit, tamen ad illam dignitatem summam sum-
mo nobilium ordini omnia semper faciliora fuerunt,
ut non iniuria ex ijs, quae vulgo euenerunt, statuere pos-
simus, illam in hoc eodem ordine sedem suam quodam
modo posuisse. Veruntamen ne medij atque infimi loci
nobiles, a magnis patriae honoribus excluderentur, nec
deterior esset horum conditio, qui labores pro patria
graues susciperent, & se maximis periculis offerrent,
quam

quàm eorum qui in ocio viuerent, & illorum beneficio forent beatis: id quidem tributum fuit eisdem, si ad summâ Imperatoris dignitatē adspirare minimè possent, alijs tamē magnis in Repub. Principib' dignitate compararetur. Institutus est igitur in natione nostra certus principum honor, ad quem nō tam maiorum imagines atq; splendor, quàm virtus atq; pietas cuiq; sua suffragaretur. Quem sanè honorem ita maiores nostri adiunxerunt muneribus Antistitū, vt qui inferiorum essent ordinū nobiles, si quandò de more collegiorum Episcopi crearentur, Principum honore augerentur: & aliqui è numero horum Imperatoris deligendi potestatem haberent. Quo honore secundum Imperatoriam atq; Regiam dignitatem nullus in Repub. nostra est maior, nullus excellentior. Ac nè virtuti sinè nobilitate omnis ad maiores honores aditus claudi videretur, sunt Antistitum sedes certæ, nec ipsæ à Principum dignitate seiunctæ, quas maiores nostri plebeijs etiam hominibus, quorum insignis esset virtus atque pietas, assignatas voluerunt. Quod verò ad Imperatoriam dignitatem singulatim attinet, quanto meliores vberioresq; fructus capiendi erant ex ea ipsa, tanto diligentius cauerunt maiores nostri, nè ad eam minùs idonei obreperent. Quare et si verisimile erat, è bonis parētibus bonos nasci liberos, tamē quia res ipsa declarabat, rem sæpè aliter euenire, Otho tertius de patria nostra optimè meritus

fuit, cū institueret, vt Imperatores non nascerentur, sed eligerentur, & dignitas hæc virtute potius, quàm fortuna acquireretur. Quod eam etiam vtilitatem attulit Reipub. nostræ, vt cū penès Septemuiros, eosque dignitate præstantes, esset potestas Imperatoris deligendi, si quis beneficio horum crearetur Imperator, eo ipso patriæ nostræ ita deuinciretur, vt nisi in hanc pectore toto incumberet, turpem ingratitudinis notam atque infamiam vitare minimè posset. Ac quo minùs loci esset ambitioni in comitijs Imperatorijs cū quatuor essent illorum, qui nò solum suffragium, sed ipsum etiam Magistratum more Maiorum nostrorum inire possent: his tres alij, qui suffragia quidem ferre, sed tamen eligi minimè possent, eò quòd Ecclesiastici essent ordinis, adiuncti fuerūt. Qui eo minùs cupiditate sua praua se corrumpi & transuersum agi paterentur, quòd causam non haberent, cur diadema Imperatorium ipsi ambirent. Ad hoc institutum accessit alterum non minùs bonum atque salubre, vt qui in illo excelsio honoris gradu collocarentur, nè duriùs quàm oporteret, regnarēt: antè quàm alijs imperare inciperēt, eas leges quodam modo imponerent sibi, nihil vt contra Ecclesiā Christianā atque Rempub. nostram, eiusque libertatē facerēt. Nec antè ratū esset, quod in deligēdo Imperatore egissent Septemuiros, quàm Imperator designatus, cū eisdē in leges illas certo pactorum genere cōuenisset, vt hoīes nostri
intelli-

intelligere possent, se non in Domini cuiusdam acerbioris, sed in patris, eiusq; perbenigni potestatem venire. Quòd autem ad Principis huius facultates attinet, nè hic tenuior esset, & minùs posset quàm recta ratio præscriberet, idémq; accideret Reipub. nostræ, quod corpori humano, si fortè caput eius imbecillius esset: moribus maiorum nostrorum inductum fuit, vt è vectigalibus, portorijs, & tributis Prouinciarum, ciuitatum, atque regionum nostrarum tantum emolumentum caperet, quantum ipsi ad sumptus necessarios & vtiles satis esset. Licuit item ei & pecuniam extra ordinem imperare, quotiès opus esset, & euocare in militiam homines nostros, atq; bella gerere cum Imperij nostri hostibus. Quæ si alij Principes suscepissent, iure communi, quo vtimur, non bella iusta, sed quædam potiùs latrocinia esse viderentur. Quare constat talem Reipub. nostræ statum collocatum fuisse initio, & non ità multò post stabilitum, vt melior nec à Deo, authore omnis boni nostri, facilè impetrari, nec ab hominibus peti posset. Ac cùm vniciq; Ordini tribueretur, quod suum esset, & quo fieret plànè beatus, certè nullus horù causam habuit, cur non patriam hanc suã amaret, & tanto magis inter se iungerentur omnes, quanto plus adiuuenti atque præsidij alter alteri afferret. Quo minùs loci relictum fuit aut inuidiæ vlli, aut odio, cùm omnes aliorum bonis sua contineri haud obscurè intelligerent. Plebs opti-

matibus atq; nobilibus suppeditauit, vndè lautè atq; honestè viuere possent: hi autem illam tutati fuerunt, & etiam cum periculo vitę defenderunt. Ac cùm Imperator omnes omnium Ordinum homines animo complecteretur, ijdem in huius imperio atq; potestate beatissimè cõquieuerunt. Religio autem Christiana, è cuius quasi fonte omne bonum profluere consuevit, Maiores nostros ità excoluit, vt ad pristinā horum fidem, constantiam atq; fortitudinem, quas virtutes è disciplina Maiorum nostrorum hauserant, accederet pietas vera, accederet coniunctio animorum singularis, accederent alia bonę vitę officia. Itaque eis non minùs omnia benè feliciterq; euenerunt, quàm Iudæis olim, quoad Deum coluerūt rectè, nec ab alijs vitę officijs decesserunt. Nam tantum bonorū ad maiores nostros delatum fuit diuinitùs, vt & viuerent benè beateque, & summo honoris ac glorię splendore ornarentur. Atq; hæc hætenùs de optimo Reipub. nostrę statu: in quo nec emolumētum bonū, nec ius æquabile, nec cõcordia, nec libertas, nec dignitas vera, nec iustum vnus Imperium, nec deniquè illa sacrosancta Dei immortalis religio desiderari posset.

Nunc verò vellem aut eadem respublica nullas postea labe contraxisset, aut mihi integrū esset easdē ipsas præterire. Quanto enim maiore cum voluptate animi in cogitatione optimarum illarum rerum versor, tanto acerbiori dolore afficior, quotiès mihi maiorum

lorum huius ætatis atque temporis in mentem venit. Verùm quia non solum superiorum ætatum bona recensere, sed etiam quæ posterioribus seculis accepimus vulnera aperire atq; tractare decreui, si quo modo & hæc sanari, & illa recuperari possint: faciendum est profectò, quod locus hic atq; salus publica postulat. Ac primò quidem etsi Respublicæ eo minùs labe factari possunt, quo meliùs cõstitutæ sunt: tamen cùm ità comparatum sit, vt non minùs quàm aliæ res humanæ sint mutabiles, & harum, vt Plato inquit, conuerisiones naturales: profectò cùm diù & aliquot secula floruiſſet Imperium Germaniæ nostræ, ità tulit tandem casus rebus nostris infestus, vt post mortem Frederici secundi idem duodeuiginti annos Imperatore careret. Interea cùm maiores nostri nõ haberent, cui parerent vni, optimam illam, de qua egimus, reipub. suæ formã propè amississe videntur. Quam etsi postea per Rodolphum Habsburgum Respublica recuperauit, non ità tamen, vt ante interregnũ floruit. Nam quo tempore magistratus principesq; nationis nostræ præsidio Principis sui nudati erant, nec habebant à quo defenderentur, opes ipsi suas, quibuscunq; rebus possent, firmarunt: & multa eorum, quæ antè Imperatorum fuerant propria, ad se transtulerunt: vt cùm quisq; in ciuitate atq; ditione sua & regenda & tuenda munus Imperatoris obiret, ipse eius neruis & quasi viribus niteretur. Ac cùm Magistratus Principesque nostri

nostri illa vsurpâssent aliquâdiù, nec sinè vi ab eorum possessione dimoueri possent, máluit Rodolphus de iure suo decedere, quàm offendere volútes eorum, quorum opera & domi & militiæ vtilitèr vti posset: nec suspicatus fuit vnquàm fore, vt qui ex ipso quasi patrimonio Imperij creuissent, non obtemperaturi essent sibi, posterisque suis vltro, nec Rempub. gratis animis adiuturi. Et quanquàm Princeps hic itatuebat se Imperium beneficijs multo faciliùs, quàm vi atq; armis tenere posse, decessit tamen non parùm de publicis Imperij eiusdem facultatibus atque emolumentis. Quin ab eo tempore indiès magis ac magis extenuata fuerunt iura atque vectigalia Imperatorum nostrorum, vt post Carolum III. è publico nostro & vectigalibus Imperij non modò non neruos bellorum, sed ne pacis quidem subsidia ampliùs Imperatores nostri habuerint. Debilitauit quidem ratio hæc potestatem, quam penès esse debebat summa rerum nostrarum, atque ità conuulsit, vt quibus Principibus populisque Germaniæ imperare oportebat Cæsarem, eorum ipse nutum intueri quodam modo cogeretur: cùm præsertim ei non ampliùs liceret pecuniam atque militem, sinè quibus nihil rerum magnarum benè geri potest, populis Germaniæ nostræ imperare, nisi Principum atque Ordinum consensus publicus accederet. Quanquàm autem dignitas atque maiestas Imperatoris nostri postea non ijs opibus,

bus, nec ea potentia, qua oportebat, sustentata fuit: tamen beneuolentia atq; virtute hominum nostrorum nixa stetit, vt Respublica nostra etsi foris minùs gloriosè, tamen domi satis benè administraretur, quoàd boni illi atque antiqui mores in natione nostra viguerunt. Nam & homines nostri iuncti fuerunt inter se, & Imperatorē obseruârunt, & patriam ità amârunt, vt se pro ea grauissimis offerre periculis, atq; vitam ad eò suam profundere non dubitarent. Quibus vt nihil fuit antiquius, quàm honestè viuere, ac de patria benè mereri, ità vicissim nihil odiosius, quàm turpiter viuere & patriam deserere: vt Respublica nostra cum minùs, quàm antè, posset, moribus tamen bonis hominum nostrorum seipsam satis benè tueretur: & appareret verissimum esse, quod sapientissimi homines in ore habent, non esse, cur quisquā statum Reipub. bonum non virtute potius ac pietate, quàm pecunia, opibus, potentia metiatur, cum finis eiusdem sit ipsa benè beateque viuendi ratio. Verùm tamen cum Princeps nationis nostræ summus imbecillior foret, periculum erat, nè, què admodum corpus humanum, si aliqua potiorū huius partiū languescat, ipsum ægrotare incipiat grauius, ità Respub. etiam nostra in languorē perniciosum incideret. Itaq; aui, atauī, atq; Maiores nostri cauerunt sanè diligentèr, nè mores illi hominum nostrorū boni, quibus Respublica nostra sustentari videbatur, deprauarent: & eam iniêrunt ra-

E tionem,

tionem, vt quas fortè officij atq; disciplinæ quasi habenas attenuatio Imperatoriæ potestatis laxaret, eas legum seueritas adstringeret. Est enim magna quædam inter magistratû & legem coniunctio. Quare lege publica interdictum fuit, nè quis maiestatem Imperatoris læderet, nè vim publicam in Repub. nostra susciperet: qui autem contrà fecisset, grauissima pœna afficeretur. Atq; hæc quidem lex primò ab Henrico II. lata, & deinceps ab alijs Imperatoribus sæpè renouata fuit, vt non facilè vllò tempore antiquari posset: Quæ cum alios fructus, tum eum attulit Reipub. vt, qui fortassè nouarum rerum cupidi essent, statum huius non facilè labefactare possent. Ac quo minùs nobiles, in quorum virtute magnum semper præsidium fuerat Reipub. nescio qua licentia fierent deteriores, atque corrumperentur: non passi sunt Maiores nostri leges censorias è Repub. nostra tolli: sed quicumque nobilium grauibus se criminibus obstrinxisset, & Rempublicam eiusque Principes læsisset, in certaminibus, quæ instâr Olympiadum Græcarû instituta fuerant, publicè, inspectante tota ferè Germania, infamia graui notati fuerunt: vt quos charitas patriæ atq; Imperatoris autoritas in officio non contineret, pœnæ atque infamiæ metus à sceleribus detereret: eoq; minùs Ordo hic Rempub. armis, quibus eam sæpè tutatus fuisset, dilaceraret. Cautum item fuit prudentissimè, nè disciplina militaris, quæ Reipub.

no.

nostræ non solum vtilitatem magnam, sed etiam ornamenta præclara pepererat, facile deprauari posset: neque id iniuria. Etenim si vllorum hominum, certè militum vita ac mores arctiorem seucrioremq; disciplinam desiderant. Quæ si laxatur, hi in illa gladio-
rum suorum licentia cupiditatibus suis non facile vllum statuunt modum: & non solum hostibus, sed etiam socijs, amicis, atq; Prouincialibus sunt infesti: nec ijs, quos habent contubernales, parcunt, ab eisq; manus abstinent. Hinc motus illi militares, hinc sediti-
ones, quæ & Imperatores & magnos exercitus sæpè euerterunt. Itaq; iure laudatur iusta seueritas Aureliani Imperatoris: qui, vt milites à prauitate morum ad officium reuocaret, imperauit Tribuno suo, nè pateretur militem vllum rapere alienum pullum, ouem vllius contingere, vuam auferre, segetem deterere, oleum, sal, lignum exigere: & addidit, suo quenq; stipendio contentum esse oportere. Nec minùs laudandus est noster Fridericus ille tertius: qui, vt licentia militaris reprimeretur, legem tulit de sententia Ordinum Imperij, idq; Francoforti: nè per milites staret, quo minùs in Germania atq; prouincijs nostris liceret populis cuiusq; loci ex agris atq; vineis fructus natos cape sinè metu, & in villas atq; domos suas cõ-
uhere. Item, nè milites igni vastarèt villas & regiões, nève clericos, mulieres grauidas, & homines morbis grauib; affectos, peregrinos, mercatores, & aurigas,

si qui merces deportarent, læderent, néve templa & delubra Dei immortalis violarent atq; diriperent, & res earum sacras ad se transferrent. Hi mores, leges atque instituta eam vtilitatem Reipub. nostræ attulerunt, vt quem Maiores nostri huius statum bonum atque concordem collocauerant, idem retineri posset: & quanto plus de potestate Imperatoris decesserat, tanto magis leges optimæ illæ Rempub. nostram iuuarent: & quod amiserat illa, quodā modo restituerent. Ac quoniam Maiores nostri intellexerunt præclare hæc esse illa ipsa vincula, quibus Respub. nostra contineretur, non modò nō passi fuerunt, ea vllis improborum atq; seditiosorum hominū consilijs rumpi: sed in conuentibus posterioribus hæc eadem adstringere etiam non dubitauerunt. Atq; hoc quidem & bonum fuit per se, & publicis rationibus eo vtilius, quòd Ordines nostri eo, quod ipsi sciuerant, iure, & de quo cum Imperatore quodā modo pacti fuerant, libentiùs vterentur. Videmus iam vt lex muta opē tulerit Magistratui nostro summo: qui idē esse debebat lex loquens, qua hoīes nostri benè & vtilitèr regerentur. Atq; vt illa vim suā haberet, cōstituit Imperator iudicium quoddā, à quo nihilo magis, q̃ à seipso vlla esset puocatio. Ac quò minùs iudicium hoc iniquū vlli esse videretur, ea cōsiliij ratio inita fuit, vt qui in hoc adsciscerent Assessores ex omnibus regiōibus nationis nostræ, hi essent eccellente virtute oēs præditi, & par-

& partim Iureconsulti, partim verò nobiles, quorum spectata & talis esset prudentia, vt ex æquo ac bono iudicare valerent. Iam verò cùm Reipublicæ nostræ nec leges bonæ, nec iudicia, neq; hominum nostrorum studia recta deessent, Imperator ipse in iure publico atq; voluntate Ordinum tantum habebat præsidij, vt seditiosos atq; sceleratos cum quadam seueritate coercere, & Rempub. ipsam satis commodè tueri posset. Et quâquàm huius rei ratio satis explicata fuit aliquandiù, tamen cùm Principes certi atq; ciuitates Germaniæ nostræ simultates, nescio quas, inter se gerere cœpissent: nè ea res causam daret fœderibus, quibus alteri contra alteros opes suas firmare studerent, atque ità Rempub. in factiones distraherent: Imperator Maximilianus fortissimus atque prudentissimus Princeps, de sententia Ordinum lege cauit, nè vllus Germanorum contra legem de pace publica se cum alijs Germanis vlllo fœdere iungeret, nève bellū sinè authoritate publica susciperet, aut in societate cū exteris gentibus, earumve Principibus coiret. Magnum fanè fructum hæc lex Reipublicæ nostræ attulit, & ad retinendum quietum huius statum fuit longè aptissima: cùm præsertim in eam Imperator & Maiores nostri certo pactorum genere ità se adstrinxissent, vt omnia fœdera eorum, qui nec iure æquabili stare, nec iniuria abstinere vellent, excluderentur. Fuerunt leges quas commemorauī, patriæ nostræ cumprimis

vtiles, & quandiū ab hominibus nostris legum earundem, iuris, concordiae, pacis ratio habita fuit, tandiū ea satis beata fuisse videtur: sed tamen tandiū non dico beata esse, sed ne stare quidem potuisset, nisi ipsam religio Christiana fulsisset: Quippe quæ ducere solet homines ad fontem benignitatis diuinæ, vnde eam vim Spiritus sancti hauriant, vt cupiditatibus suis improbis imperare, honestè viuere, patriam complecti possint: mālintq; vitam amittere, quā hāc eandem deferere. Ad Dei autem gloriam, quæ caput est bonorum, referant omnia, vt siue priuatim, siue publicè quidquam agant, non in sua virtute, sed in Dei potius beneficentia spem ponant: sequæ misericordiae eius atque benignitati totos committant. His omnia solent esse secunda, fausta atq; felicia: & tanto id quidem magis, quanto de religione Dei immortalis minùs dissentiūt, vt mihi quidem videatur Respub. eorum, qui cum Christo eiusq; corpore, quod est Ecclesia, sunt coniuncti, non minùs faciliè dissipari posse, q̃ impiorum atque sceleratorum hominum greges diu conseruari solent. Dederunt huius rei signum illustre gentium certarum, earumq; impiarum imperia, quæ itā conciderunt, vt iam ne vestigium quidem eorundem vllum extet. Verū Respub. & regna certa, quorum idē de religione sensus semper fuit, & cōseruata sunt diuinitus, & perpetuò floruerūt. Nec minùs beata esset natio nostra, nec minùs dico? imò multò etiā beatior,

beatior, si de religione Christiana idē nos sentiremus. Etsi enim de Imperatorū nostrorū potestate superioribus temporib⁹ nimis detractū fuit, tamen quandiū hominum nostrorū de religione sensus fuit concors, hi nihilo min⁹ Principibus illis suis paruerūt, quā si potentissimi essent. Quippe cū in animum suum inducerent, eum qui Principi aut Magistratui suo nō obedit, labi turpitè, & à conscientia recta prorsus discedere. Itaque cū in potestate Principis sui esse boni omnes vellent, vt debebant, facilè compresserūt eos, qui contra eundem Principem aut Rempub. se commouissent; atq; ita mulctârūt, vt documentū daretur, quātum Germaniæ nostrę præsidij esset in virtute, beneuolentia, & obedientia iusta hominum nostrorum, præsertim cū milites etiam nostri eam haberent rationem officij recti, vt quotiēs à Regibus exterarum gentium conducerentur, in sacramento militari Imperatorem atque Imperium nostrum exciperent: & mori mālent, quā contra patriam ac Principem nostrum arma ferre. Quarē Imperator noster virtute atque voluntate bona hominum nostrorum tantum potuit, vt nō solū Rempub. nostram domi satis benè tueri, sed etiā Prouincijs nostris subuenire posset. Et in hoc quidē patrię nostrę statu, quo quisq; hominum nostrorum excelsiore erat animo, eo magis expetebat, vt Imperium patriæ nostrę in pristinum restitueretur statum, eumq; optimum, & ita quidem

quidem restitueretur, vt non solùm nationē nostram atque Prouincias huius tueri, sed etiam hostes Christiani nōminis à ceruicibus aliarum gentium arceri posset. Ad cuius quidem rei spem hominibus nostris quoddā veluti signum totiēs sustolli videbatur, quotiēs vnus aliquis Principum Austriacorum, qui cū alijs virtutibus, tum pietate semper ornatissimi fuerunt, Imperator designaretur. Visus fuit Rodolphus, qui primus tantum decus in gentem Austriacam intulerat, Rempub. Germaniæ nostræ non solùm conseruare, sed etiam amplificare posse, si ij, quos habere debebat bellorum neruos, ipsi non nimis accisi fuissent. In Alberto autem tanto maior fuit spes, quanto fortunæ eius fuerunt ampliores: hic nanque cum ditione Austriacâ regnum Pannoniæ atque Bohemiæ cōiunxerat. Sed cū ipse Germaniæ nostræ antè eriperetur morte, quàm ea, quæ de omnibus commodis ornamentisq; eius cogitârat, conficere posset, bonis omnibus grauissimū suū desiderium reliquit. De Friderico autem tertio quid dicam? qui cū non æquè potens esset, atquè Albertus agnatus fuerat, & artibus pacis magis quàm belli delectaretur: tamen consilio, quo abundabat, viam nepotibus atque posteris suis ad magnam potentiâ muniuit. Etenim affinitate cum Carolo Burgundionum duce contracta, & hunc, qui antea ipsi iniquior fuerat, conciliauit sibi, & pietate, qua excellebat, à Deo immortalī impetrauit, vt idem Carolus

Carolus non modò non cum eo de Imperio certaret amplius, sed societate potiùs atq; amicitia optatissima iungeretur, & nepotem è filio Friderici Philippum ditionis suæ, quæ per Belgas ac Sequanos latè patebat, hæredem relinqueret. Sic Deus Principes pios atque iustos iuuare consuevit, vt hostes etiam, qui eis nocere volunt, mutata sententia profint. Nam ab eo iam tempore Austriaca domus mirum in modum creuit: vt enim Maximiliano matrimonium cum Maria Caroli filia vtile fuerat atque faustum, ità matrimonium Philippi cum Ioanna Regis Hispaniarum filia, ad eum, liberos nepotesque ipsius regna Hispaniarum, Neapolitanum atque Siciliæ, iure hæreditario detulit. Erat quidem Maximilianus virtutibus summis præditus, & postquàm singulari totius Germaniæ applausu Imperator renunciatus fuerat, nihil eorum, quæ ad officium boni Principis pertinent, prætermisit, & documenta statuit illustria, quantum consilio, virtute, atque fortitudine valeret: tum ea erat comitate, vt non solùm nostrorum hominum, sed etiam exterarum gentium voluntates sibi faciliè conciliaret. Rem autem militarem ità excoluerat, vt parua sæpè militum nostrorum manu maximos exercitus hostium deleret, & quotiès signis collatis cum eisdem pugnaret, totiès & signa daret virtutis cuiusdam excellentis, & victorias gloriosissimas referret. In hunc cum omnium Christianarum gètium oculi

F essent

essent coniecti: idemq; nihil optaret magis, quàm vt rebus Christianorum pacatis, bella, quibus iidem se ipsos conficerent, in Turcam nominis nostri infestissimum hostem communi omniũ consensu transferrentur, & iam huius rei consilia non dissimulantè caperet: en, tibi moritur hic optimus fortissimusque Princeps suo quidem tempore, cùm spiritus eius in illas cæli sedes beatissimas haud dubiè migraret, nostro verò non item. Atq; hunc vt Patrem patriæ Germania nostra cuncta non antè destitit lugere, quàm Carolus noster quintus (quem ego Principē semper honoris amplitudinisq; causa nomio) optimo auo optimus è filio nepos successisset. Qui cùm & vellet pro ea, qua ornatus erat, virtute de patria nostra atq; vniuerso Orbe Christiano benè mereri, & idem posset, cùm hoc Imperatore nullus post Carolum Magnum potentior ad Rempub. nationis nostræ accessisset: Deus certè illū ità genuisse videbatur, vt per eum Imperium nostrum non solum stare, sed etiam reflorescere, & pristinum suum splendorem recuperare posset. Nec Princeps hic fefellisset spem nostrā, si virtuti atque consilij eius euentus respondisset. Sed hic nō ità multò post quàm Magistratū illum summū iniérat, quæ cōtra communes Christiani nominis hostes capere debebat arma, eadem contra Christianos certos, eosq; potentes, vt sua defendere posset, ferre cogebatur. In quo tamen ipso cauit diligentissimè, nè minorem

norem clemētię, quàm fortitudinis fructum caperet:
& nè hostes magis, quàm se ipsum vincere videretur.
Nam victis illis atque captis tam benignè fecit, vt fa-
cilè omnes intelligerent, malle ipsum cum ijs, quos so-
cios habere debebat, colere amicitia, quàm armis di-
micare. Gessit quidem Princeps hęc res maximas, nec
ei, qui virtute & rerum gestarum gloria alijs regibus
atque principibus Orbis terrę longo interuallo an-
tecellebat, ad summum decus deesse quidquam vide-
batur, quàm quòd qualia de alijs Barbaris & Christia-
ni nominis hostibus trophæa in Africa posuisset, ta-
lia in Europa constituere non posset: & quibus armis
insulas amplissimas, quæ ipsi è mari Occidenti quo-
dam modo natæ fuerant, domuisset, eisdem Turcas
non frangeret, nec horum metu Austriam Maiorum
suorum atq; Ferdinandi fratris coniunctissimi & Re-
gis longè optimi sedem liberaret. Et quanquàm in eā
rem fortia sæpè ac Christiana consilia iniêrat, tamen
itâ tulit casus rebus nostris infestus, vt quotiès bellum
sacrum suscipere vellet, totiès iniuria eorum, à qui-
bus minimè oportebat, consilium illud bonum atq;
salutare mutare cogeretur. Vellem hoc loco quæ re-
liqua sunt, nec sinè acerbissimo animi dolore com-
memorari queunt, præterire possem: sed quia hæc
à me suscepta est oratio, non vt iniuriam vlli aut do-
lorem, sed potius vt medicinā rebus nostris languen-
tibus, si quo modo possim, faciā, dabitis hanc veniam

mihi, vt quæ sentio, & locus hic postulat, liberè dicā.

Atq; vt ad secundum instituti nostri locū veniam: etsi in virtute atque potentia Caroli Imperatoris multum nobis Germanis præsidij esse videbatur, & sub Imperio eius ità exulta fuerunt ingenia nostrorū hominū, & rei militaris scientia, quam à Maioribus nostris quasi per manus traditam acceperant, ità viguit, vt patriæ non solū adiumento, sed etiam ornamento esse possent: tamen tanta morum peruersitas incidit in tempora eiusdem Imperatoris, vt patriā ipsi nostrā oppugnavisse magis, q̃ iuuisse videamur. Quandiū in natione nostra de religiōe Dei immortalis cōcors & idem sensus fuit, homines nostri patriā amaerunt, & cōmunem huius vtilitatē cōmodis suis privatis anteposuerunt, vt cū Imperiū nostrū tenuius esset, his tamen moribus status eius conservaretur. Fuit nanq; religio fundamentū illud, quo idē Imperiū primum niti cœpit, & postea sustentatū fuit, quo ad circa fidē ipsam idē omnes sensimus: sed nō ità multò post, q̃ Carolus noster designatus erat Impator, evenit, vt dissensio quædā de religiōe Dei immortalis oriret. Quæ, vt fit, in contentionē erupit, contentio materiā subiecit odijs, odia autē Ecclesiā in parteis distraxerunt. Ac si vllum, certè hoc factionis genus concordiæ, ocio, atq; paci est inimicū. Nam alij factiosi propterea oderunt aduersarios, quod putant eosdem aut vitam, aut honorem, aut fortunas sibi eripere velle. At quide
religio-

religione inter se litigant, eo maiore nocendi cupiditate inflammantur, quod metuant, nè si fortè ab inimicis victi fuerint atque oppressi, salute æterna euerantur. Quod cùm animaduerneret Carolus, vt magnam & à religiõ & ab Imperio nostro pestem auerteret, salutaria sæpè captauit consilia, quibus schisma ipsum tolli, & cõcors Germaniæ status collocari posset: nec prætermisit quidquã eorum, quæ ad eam rem conficiendam pertinere viderentur. Sed tantum abfuit, vt hic optimi Principis conatus optimus nobis consuleret, vt indiès magis ac magis animi hominum nostrorum exulcerarentur. Quin eò reciderunt omnia, vt præclare ageretur nobiscum, si quæ vim habere deberent medicamento cuiusdam, non perniciem afferrent: Quippe cùm schisma ipsum non modò non sedaretur, sed indiès magis ac magis ingrauesceret, nec religionem solùm perturbaret, (quod tamen caput erat malorum) sed etiam omnia Reipub. nostræ fundamenta conuelleret. Sustulit id primùm beneuolentiam hominũ nostrorum: & fecit, vt rustica plebs non ità, vt antè, nobiles, quorum in potestate more Maiorum esse debebat, obseruaret. Hinc illud ipsum belli incēdium, quo tota ferè Germania arsit, & quod vix tandèm multo multorũ sanguine extinctum fuit. Hanc calamitatem secuti sunt motus Principum virorum, qui spretis legibus Maiorũ atq; iudicijs æquis, rem gesserunt vi, & ipsa patriæ viscera crudelem in

modum lacerauerūt. ac nè quid nobis deesset ad summam calamitatem, inuenti sunt in Repub. nostra potentes homines, qui coirēt cum vicinis regibus, ijsq; infestis nomini nostro, in societate nefariam vexanda patriæ atque Germaniæ nostræ: idq; contra, quam non solum Leges & boni Maiorum mores, sed etiam ipsum naturæ ius præscriberet. Quin extiterunt, qui cum temporibus se valere arbitrarentur, magna vi atque animorum impetu maiestatem ipsam Imperatoris imminuerent, & conarentur è manibus eius sceptrum & gladium, qui ei à Deo quodam modo porrectus erat, excutere: & ipsum à sede Imperatoria, in quam summo bonorum omnium applausu collocatus erat, deijcere. Cætera mælo vos tacitos cogitare, q̃ vulnera illa Reipub. non sinè grauissimo & vestro & meo dolore cōmemorando ipse reficere. Quid multa? Quo tempore nos oportuit ad eam curam incumbere omnes, vt beneficio Principis nostri, qui pro incredibili virtute sua vellet Rempub. nostram constituere, salui atque beati esse possemus, nos ipsi, nos inquam patriæ, & nobis quodam modo ipsis infesti fuimus, & ita restitimus eidē Imperatori nostro, vt quod gloriosè conaretur, efficere minimè posset. Itaque non miror equidem quid sit, quòd cum aliarum gentium, quæ in Caroli nostri potestate erant, res florent, nostræ autem conutiles sint. Nam cum illę principem illum obseruarent, eiusq; dicto audientes essent,

sent, dignitatem eius tuerent, & ad publica patriæ suæ
cōmoda referrent omnia, non minùs creuerunt, atq;
sibi ac patriæ eidem veram gloriam pepererunt, quàm
nos cū contrariam vitæ rationem sequeremur, &
nosipfos ad patriam nostrā magno cum dedecore no-
stro affliximus. Ac quia legum vincula, quæ potētio-
res in officio continerent, & præsidio essent Impera-
toriæ potestati, disrupimus omnia, & disciplinam rei
militaris ita corrupimus ipsi, vt multi militū nostro-
rum mālint patriam populari, quàm externos hostes
ab hac arcere: nec ita magna habeatur ratio Imperato-
riæ cū authoritatis, tum verò etiam potestatis: non
iam miror ego quid sit, quodd nō eque, atque alię, qui-
bus imperauit Carolus, gentes, floreamus: sed, quod
nō iam diū funditùs interiērimus: cū præsertim sub-
lata è Repub. concordia, & Imperatoria dignitate de-
bilitata, in quo, antè quàm Imperium natiōis nostrę
constitueretur, fuit hæc statu pernicioso, in eundem
quodam modo reciderit: & Imperator potestaté su-
am, quam summam vnus habere debebat, propè ami-
serit. Sic enim venit vsu, vt simul ac vinculum cha-
ritatis, quod religio attulerat, sublatum fuit, omnia no-
stra ruerent atque dilaberentur. Quin factiones, quas
discordia in nationem nostram inuexit, quales sint &
quàm perniciosæ huius pestes, declarant multi ma-
ximarum Rerumpublicarū perhorrescendi casus:
& CHRISTVS ipse Dominus atque Seruator noster,
qui

qui summa auctoritate hoc edidit oraculum, fore ut regnum omne pereat, quod in se diuisum est atque diltractum. Hinc ille impendentium periculorum metus; qui bonorum omnium animos vehementer perturbat: hinc eorum, qui de nobis nullum faciunt malè cogitandi finem, exultans lætitia, dum iam quæ nostra sunt, spe atque cupiditate deuorare videntur. Ac si potentiores nostri, qui tam procliues sunt ad seditiones atque motus intestinos, suis ipsi armis patriam frangere non desièrint, quid tandèm, quid huic futurum erit? An censeatis gladios Turcarum truculentissimorum hostium, sanguine Christianorù stillantes, conquieturos esse? An censeatis alios vicinos occasionem tam optatam nationis nostræ dilacerandæ non arrepturos esse auidè? An censeatis Rutenos, postquàm Prouinciam longè lateque patentem, nobis anno superiore eripuerunt, non persecuturos esse victoriam? prætereo hîc prudēs voluntates eorum, qui cùm amici atque socij nostri videri velint, Imperium tamen nostrum attenuare, & Prouinciales nostros in suam redigere potestatem nō dubitant. Sunt hæc quidè talia, ut in clarissima luce versentur. Quare si de his lōgior fuero, ineptus sim: illud tantùm, quod res est, dico, Rempublicam nostram languere: & quibus hæc rebus antehàc nixa stetit, has omnes temporibus hisce calamitosissimis ità esse labefactatas, ut nisi primo quoque tempore vtilia patriæ nostræ atque saluta-

salutaria consilia ceperimus, periculū sit, nè breui funditū sit pitura. Sed quia tamen Ferdinādus Impator lōgè optim^o fratri optimo successit, idēq; ea cūm prudētia, tum pietate p̄ditus est, vt ad Imperium nostrum instaurandum, & res optimè gerendas natus esse videatur, saluti equidem desperare nequeo. Nam cūm hic omnia non ad suam, sed Dei gloriam referat, nec pro incredibili virtute atque animi constantia minūsecundis rebus efferatur, quā aduersis deiicitur: spes ostenditur, Deum immortalem tantum felicitatis ad eum delaturum esse, vt res nostras labascentes non solum fulcire, sed etiam ornare possit: cūm p̄sertim ita se gerat ipse, & ea beneuolentia omnes omnium ordinum nostrorum homines sibi deuinciat, vt non solum eos, in quibus virtus maiorū nostrorum necdūm obsoleuit, in potestate sua habere, sed etiam eos, q̄ antehāc duriores aliquanto fuerunt, flectere, & in viam reuocare posse videatur. Itaq; etsi imminentium periculorum metu penē frangor, & vehementissimē doleo, quā remp. nostrā Maiores nostri magna cū gloria constituerunt, & tutati fuerunt, eam culpa nostra dilabi & quodam modo ruere: tamen non ita contraho animū, vt in rebus difficilimis non benē tandem sperem: Quippe cūm videam magnas dari opportunitates hoc tempore Reipublicæ eiusdem reficiendę, constitutendę, atque adeo ornandę. Accedo igitur ad id, quod me tertio loco dicturū proposui, & qua con

filiorum ratione rebus nostris languentibus mederi possimus, ostēdam. Ac primū vt morum corruptela, discordia, & minor, quā par est, Magistratuum autoritas atq; potestas faciūt, vt Respub. non modò non florere, sed ne stare quidem possint: itā virtus ciuium, concordia, & iusta Magistratuum potestas easdem continent, tuentur, fouent. Nam Deus non minùs bonos respicit perbenignè, quā improbos male mulctat: nec minùs cōsentientes & amantes patrię amat, q̃ factiosos affligit: nec deniquè minùs Rempub. eam, cuius Magistratus tantum potest quantum debet, cōseruat, auget, amplificat: quā eam hominū societatem, in qua ciues peruerso quodam more, quibus parēre debent, imperant, & eorum iustum imperium recusant, angue peiùs odit atq; detestat. Quare vt grauissimarum calamitatū metu nos tandē ipsos liberare, & patrię consulere possimus, pestes illas, è quibus Resp. nostra hoc tempore languet, quā primū euellamus necesse est, vt quoā eius fieri potest, virtutem Maiorum nostrorum, sensum concordem, & eam, quæ necessaria cumprimis fuerit, Imperatoris potestatem recuperare possimus. Nam cū his rebus Imperium nostrū partum sit initio, nō alijs commodiùs retineri vel instaurari poterit. Sed anteq̃ è ciuili ratiōe attulero, quæ ad rem pertinere videbuntur, de schismate horum temporū agam. Quod cū fons sit & origo malorum nostrorū, quibus hoc tempore

pore affligimur maximè, hoc eodem sublato, reliqua nobis haud dubiè omnia ad Rempub. constituendam erunt faciliora. Atque idem schisma tanto magis fugiendum est nobis, quanto magis in Domino nostro IESV CHRISTO vnum esse omnes debemus. Est quidem Ecclesia sponsa Christi, atq; huius adè corpus: vt qui eam dissipat & schismate diuellit, quā huic iniuriam facit, eandem Christo ipsi inferre videatur. Quare Paulus Apostolus obsecrat Corinthios per nomen Domini nostri IESV CHRISTI, vt idem sentiāt & loquātur omnes, nec sint inter eos schismata. Deus autē vt ab hoc scelere nos deterreret, schismaticos exquisitiore quā alios facinorosos supplicio affecit: & quod antè inauditum fuerat fecit, vt Dathan & Abiron hiatus terræ modo quodam perhorrescendo absorberet. Extiterunt, qui corruptelas & vitia ex agro Domini euellere vellent, idq; bonis omnibus applaudentibus: neque esset quamobrem vel consilij, vel facti eorūdem nos pceniteret, si nō longiūs quā moderata ratio ferret, prouecti fuissent. Sed cū hi Ecclesiā quam iuuare debebāt, schismate & perturbāssent, & distraxissent, secuta sunt ea, quæ vos tacita cogitatione cōplecti mālō, q̄ de rebus asperis asperum aliquid proferre: illud tamen quod huius loci est, prætermittere nec possum, nec debeo, eos qui profitebātur se languores Ecclesiæ curare cupiditate cōtentionis incitatos, fines iustos correctionis trāsilisse. Quin

eò prolapsos fuisse, vt non tam repurgarent Ecclesiā, melioremq; facerent, sed vt eadem sublata, nouam nescio quam fabricarētur. Si domus aliqua adspersa nescio qua labe deformior sit aliquanto, situm est in potestate Domini vel repurgare eandem, vt pristinam formam bonam recuperet: vel diruere, vt aliam domum, eamq; pulchriorem cōstruat, cū sub hac noua aut meliūs, aut æquē benē contra tempestatem aeris tectus esse possit. At ECCLESIAE longē alia est ratio: Quippe cū vna sit ipsa, vna nimirū illa columba, de qua Salomon in Canticis Canticorum, & Vnum vnus capitis, videlicet CHRISTI, corpus, nec alibi vspiā cubet CHRISTVS, & Spiritus sanctus tanquā in templo suo vigeat. Itaq; qui hanc deferit, & nouam in qua viuat, quærit, seipsum fallit: & si fortē peregrino cœtui se adiungat, in eum locum venit, vbi nec CHRISTVM, nec Spiritum sanctum inuenire, nec ex utroq; salutē haurire possit. Quo maiore cum pernicio sua errant schismatici omnes, cū & Ecclesiam veram atque germanam deserūt, & alios huic cœtus anteponunt. Quid igitur est? Certē vt ij, qui Ecclesiam veterem repurgandam censent, vt melior fiat, & pristinam suam formam, eamq; pulchram recuperet, me non modō non repugnantē, sed etiam cōsentientem habent: itā consilia eorum, qui illam non repurgare, sed disturbare atq; oppugnare conantur, probare nec possum, nec debeo. Breuiter, schisma nō medica-

camentum est, quo Ecclesia languens curetur, sed venenum, quo eadem tollatur. Positum est enim in ipsa natura rerum, ea, quæ diuiduntur, non minùs recidere ad nihilum, quàm quæ in vnum contrahuntur, firma sunt atq; stabilia. Conscinde vestem, & vestis non erit ampliùs vestis: disijce parietes domùs, & domus non erit ampliùs domus: disseca corpus humanum, & pro corpore partes quasdam putridas reliqueris. Quod ipsum quale sit, & quàm perniciosum, si in vlla alia re, certè in Ecclesia cernitur. Quidquid enim ab hoc vno vnus CHRISTI corpore auulseris, vitam amittit, & computrescit. Quinimò quatenùs Ecclesia in parteis distrahitur, eatenùs CHRISTVS per summam iniuriam diuiditur. Nam, vt Paulus inquit, *Significatum est mihi ab ijs, qui sunt Chloës, quòd sint contentiones inter vos: hoc autem dico, quòd vnusquisque vestrũm dicit, Ego quidem sum Pauli, ego Apollò, ego Cephæ, ego autem Christi. Diuisus est Christus?* En tibi qui Ecclesiam in parteis distrahunt, Christum etiam ipsum, quantum in se est, discerpunt atque dilacerant. Ac nè quis fortè putet hunc eundem in varijs cœtibus, ijsq; ab vno illo corpore suo, quod Ecclesia est, alienis, sedem habere: monet nos Dominus ipse, nè audiamus eos, qui dum nos in cœtus illos ducere volunt, aiunt, hîc vel illic est Christus. Nolo hîc asperius agere cum vllò, nec accusare quenquam: sed id tamen, quod in clarissima luce versatur, dissimulare non possum, nos Ger-

manos, nos inquam non minùs, quàm Corinthios schismate in parteis Ecclesiæ, atque Reipub. perniciosas diuulsos esse: non minùs dico? immò maioribus etiam de rebus, & ab eo tempore quo primùm à veteri atque Catholica Ecclesia discessio facta est in natione nostra, ità quidem vsu venisse, vt vnum schisma semper ex alio nasceretur. Hinc tot cœtus hominum religionis causa sociatorum apud nos, qui cum omnes veterem Ecclesiam insectentur, & sint qui huic adimere conentur auctoritatem Ecclesiæ veræ, quam sibi vendicant singuli, non tamen multo minùs acriter inter se, quàm cum illa pugnant. Ac quoniam præter vnam hanc nulla alia societatum humanarum vera & Germana Ecclesia, in qua ad salutem adspirare queamus, esse potest: intelligitur haud obscurè eos, qui de religione inter se hoc tēpore contendunt, & patriam, & se etiam ipsos in grauem periculi flammam conijcere. Qui dum mores aut dogmata aliorum, quibuscum in Ecclesia viuere debent, ferre nolint, idem eis accidit, quod ijs, qui in alto nauigant, si quandò odio eorum quibuscum vehuntur, incitati, aut nauem communem perforent: aut vt ab his sciangantur, in mare profiliant, seque fluctibus huius cōmittant. Hic quid reliqua quaritis? an non satiùs esset eis tolerare in naui communi, quod minùs periculosum esset, quàm haud dubiè mortis periculo se offerre? Quanuis enim optandum esset, Ec-

cle-

clesiam nec corruptelis vllis, nec vitijs deprauatam esse: tamen id quidquid est, ijs qui idem nec probant, neque imitantur, fraudi non est. At schisma omnibus, qui in eo versantur, perniciosum est, & non minùs Rempub. quàm Ecclesiam ipsam labefactat. Itaque ad eam curam incumbere debemus omnes, vt positis simultatibus, posthàc concordemus inter nos, & de religione Dei immortalis idem & sentiamus, & loquamur. Thrasybulus Atheniensis, vt ciuium suorum discordias sedaret, legem tulit, qua omnis illarum memoria obliuione perpetua deleberetur: atque hoc eius factum vno omnium bonorù ore laudatur. Quanto laudabilius foret, si nos, nos inquam Germani, controuersias religionis sustolleremus ipsi: & iniurias, quas nos ab alteris accepisse arbitramur, donaremus Ecclesiæ, donaremus patriæ, & non aliter, quàm si inter nos nihil controuersiæ vnquàm fuisset, quietis animis & concordie sensu inter nos posthàc viueremus? Quare in consilium adhibeamus non odium, nec arrogantiam, qui sunt pessimarù rerum consiliarij: sed charitatem, quæ ædificat, & Ecclesiæ mirum in modum pdest. Hac eadem ducti certemus inter nos, non vtri alteros vincamus cõtendendo, sed vtri de alteris meliùs mereamur. Cogitemus nos non minùs acres nostrorum, quàm alienorù vitiorum iudices esse oportere, cum sua quenq; magis, q̃ aliena peccata premât, & eos qui alios condénant, dum suis intereà
vitijs

vitij indulgent, iurè à Deo condemnari. Accusemus antè nosiplos, quàm alios, si quo modo in bono vincere malum, & eos, qui nos hoc tempore oderunt, ad æquitatem Christianis hominibus dignam flectere possimus. Quod cùm vtile fuerit per se, tum ad Ecclesiam repurgandam & pacem eius reconciliandam longè vtilissimum: cùm nec nos, qui sumus cum potestate Ecclesiastica, minùs quàm officium nostrum postulat, fecerimus: nec qui se aduersarios constituerunt nobis, plùs, quàm recta & moderata ratio feret, fecerint. Nos igitur, nos, quos Deus in specula Ecclesiæ suæ ità collocauit, vt Episcopi simus, excitem⁹ nosiplos, vt nō quæ nostra, sed quæ domini nostri IESU Christi & omnium sunt, curemus: nec defendamus corruptelas atq; vitia, sed eadem, quoad eius fieri potest, tanquàm vepres malas, extirpemus. Aduersarij autem nostri se quoquè ipsos moderentur. Cogitent quàm periculosa sit contentio omnis, vt quæ vim habet ad auditores peruertendos, authore Apostolo. Cogitent quid acciderit Dionysio Alexandrino doctissimo patri, qui cùm in refellenda hæresi Sabelliana egregiam operam Ecclesiæ nauâsset: tamen cùm eius animus in contentione exarsisset nescio quo modo acriùs, & concitator esset, quàm oporteret, à moderata veritatis ratione eò deflexit, vt non solùm Sabellianam hæresim confutaret, quod bonum erat: sed etiam contrarium huic errorem inueheret, id quod nō minùs malum

lum erat, quàm hæresis ipsa Sabelliana. Nam ex eo errore nata fuit lues illa Arriana, quæ postea totum ferè Orbem terræ non sinè graui Ecclesiæ atque religionis Christianæ perniciæ peruagata fuit: vt Basilius ille Magnus rectè factum Dionysij comparârit facto eius, qui cùm furculum in horto curuum atq; prauum flectendo corrigere vellet, & in eo ipso esset nimius, faceret, vt furculus idem in contrariam partem non minùs curuus esset atque deformis. Cogitent deniquè mutationes illas, quæ vel bona æquè ac mala tollunt, vel pro malis alia nō minùs mala inducunt, quales multæ in hæc tempora nostra inciderunt, minimè ferendas esse: Quippe cùm à bono Ecclesiæ statu tam alienæ sint, quàm quæ alienissimæ: nec est, quamobrem hic metus infamiæ quenquam moueat, & ab eo, quod recta officij ratio præscribit, deterreat. Nam non, qui errorem suum agnoscit & confitetur, cùm in eo ipso voluntati diuinæ obediat, sed qui eundem aut non agnoscit, aut defendit, perperam atque turpiter facit. Aurelius Augustinus sanctissimus atque sapientissimus Episcopus, cùm in illa opinionū temporis sui varietate aliquotiès lapsus fuisset, máluit errata hæc apertè confiteri, quàm dissimulare eadem aut defendere: nè eos, qui non satìs cauti essent, in errorem vllum autoritate sua induceret. Atque hic etsi lucubrationibus suis doctrinæ Christianæ multum sanè lucis attulit, nec vllus Ecclesiasticorū Scripto-

H rum

rum plura & vtiliora monumēta posteritati reliquit: ex omnibus tamen libris eius nullus est honorificentior ipsi, quàm is, qui errores authoris non dissimulantè aperit. Neque enim qui veritati cedit, succumbit turpiter: sed dum se ipsum vincit, gloriosissima victoria potitur. Quæ cum ita sint omnia, ad eam officij nostri rationem, omnes omnium partium Germani excitemus nos ipsos, vt sublato tandē schismate, concors sit omnium de religione sensus: nec patiamur nos ab hac ratione vllō peruerso animi motu deduci. Et quanquàm hæc, quæ ad communem nostram vtilitatem ac salutē vehementer pertinent, magnos animis omnium motus afferre debent: tamen si qui fortè quieta cōsilia repudiauerint, māluerintq; litigare, quàm communi consilio Ecclesiam atque Rempub. iuuare, nos qui publicis Ecclesiæ muneribus fungimur, nos inquam, officium erga eandem atque patriam nostrā prætermittere minimè debemus: nè si fortè hæc cum pernicie multorum conciderint, nos casum hunc præstare cogamur: & culpa nostra nõ ita multò minùs fraudi sit nobis, quàm si ipsi admotis quasi machinis illas diruissemus. Quo magis elaboremus, vt si non cum alijs, tamen seorsim Ecclesiæ communi quasi incendio conflagranti, quantum in nobis est, succurramus. Ad quam rem benè vtiliterq; conficiendā tãto plùs facultatis suppetit nobis, quanto minùs ea omnia Ecclesiæ nostrę desunt, quę ad eandem

dem vel repurgandam vel excolendam sunt accom-
modata. Habet hæc verbum Dei & scripturas diuini-
tûs inspiratas: habet illum sanctorum doctorum atq;
Ecclesię Catholicę de dogmate veritatis sensum non
obscurum: habet denique mores inueteratos, eosque
ab omnibus ecclesijs approbatos. Ac si quid fortè ho-
rum alij cœtus habent, id totum ab illo nostro veteri,
vndè orti fuerunt, initio, quasi per manus traditû ac-
ceperunt. Hæc ipsa si peruestigauerimus nos, erit in
procliui, vt de omnibus ijs, quæ religionis sacrosanctæ
sunt, sinè errore iudicemus: ac vera à falsis, bona autè
à malis discernamus. Itaq; cùm in nostra potestate si-
tum sit, vt si velimus, Ecclesiam ipsi nostram simul &
repurgare, & excolere possimus, cauendum est maxi-
mè, nè culpa officij deserti nos posthac premat: nè ve
illud Spiritûs sancti in scripturis, *Væ pastoribus, qui pa-
scunt seipsos*, nobis iure exprobari possit. Suscipiamus
igitur animos dignos munere nostro: corrigamus
antè nostra, quàm aliena vitia: atque operam demus,
vt nec prauis atque peruersis moribus, nec vlli perni-
cioso errori locus in ecclesijs nostris relinquatur. Sed
omnia ad gloriam Domini nostri Iesu Christi & salu-
tem hominum ità referantur, vt in Ecclesijs eisdem
vigeat pietas, vigeat disciplina, vigeat cōcordia. Hunc
certè conatum nostrum, cumque piè susceptum,
Deus, qui consilij quietis atque salutaribus fauet,
haud dubiè approbabit, ei que talem, tamque bonum

euentum adiungat, vt non solùm amicis nostris atq; socijs satisfacere, sed etiam aduersarios nostros placare possimus.

Quanquàm autem si schisma illud sublatum fuerit, in posterum non solùm Ecclesiæ, sed etiam Reipub. status melior erit procul dubio, tamen nè quid eorum, quæ ad institutum nostrum pertinent, prætermittam, ciuilem etiam rationem, qua Respub. nostra fulciatur, subiungam. Ac primò quidem ostendam, quo modo remota corruptela morum, disciplina vetus, eaque honesta, restitui tandèm possit. Quod tanto fuerit necessarium magis, quanto minùs, quæ non benè morata est Respub. bona, tranquilla, atque beata esse potest. Deindè de pace ipsa atque concordia Germaniæ nostræ afferam, quæ mihi videbuntur ad rem pertinere. Ad extremum, quo pacto Imperator noster potestatem suam iustā recuperare, ac Respub. nostra non solùm refici, sed etiam ornari atq; amplificari possit, docebo.

Atque vt mihi quidem videtur, ea demùm Resp. optimè constituta est, in qua ciues faciunt sua sponte, quod bonū est, & cum officio recto coniunctum. Et si igitur Plato ille Philosophorum facillè Princeps leges, quæ supplicia in sceleratos constituunt, probat: his tamen eas, quæ homines ad virtutem adducunt, & ità formāt, vt præmio potiùs quàm pœna digni sint, anteponebat. Esset quidem optandum, vt patria nostra
hoc

hoc tantum legum genus, quo regeretur, desideraret. Quod sanè contingeret, si homines nostri charitate atque Spiritus sancto tantum ducerentur: sed quia cum imperfectioribus, quorum multi metu continendi sunt in officio, viuitur, certè ut bonorum virtus alenda est præmijs, ita improbi à scelere pœnis propositis sunt deterrendi. Neque enim ignotum est illud Solonis, *Duabus rebus, præmio & pœna, Respub. contineri*. Sit igitur in Repub. nostra constitutum: Ut qui leges publicas violant adulteri, sacrilegi, calumniatores, perfidi, latrones, seditiosi, proditores, perduelles, non solum omni honoris aditu intercludantur, sed etiam eo, què fortè obtinent honoratiorem, loco moueantur. Nec moueantur solum loco eodem, sed ex ipso etiam hominum cœtu prorsus eijciantur: homines non digni, qui cum hominibus uiuant, ipsi nimirum ab omni hominum societate tam alieni. Rursus qui Reipub. utilem nauant operam, hi ornentur præmijs, & in eo honoris gradu collocentur, ut quanto meliores sunt ciues, tanto beatiùs uiuant, & vberiore virtutis suæ fructum consequantur. Atq; hæc præclara, quæ Imperator noster in Rempub. inducere potest, idq; approbantibus bonis omnibus, procul dubio egregiam afferent vtilitatem rebus nostris, & id planè efficient, nihil ut videatur in Germania nostra miserius esse, quàm turpiter viuere, & patriæ nocere: & nihil vicissim beatiùs, quàm bene honesteque viuere, & de

eadem patria benè mereri. Quam rationē cū olim in Rep. Lacædemoniorū cōstituenda sibi proposuisset Lycurgus homo prudentissimus, id quidē effecit, vt quos hęc genuisset ciues, vtilēs essent patrię, & māl lent honestè mori, q̃ turpiter viuere. Ex hac igit multo plures, q̃ ex vlla alia Græciæ ciuitate boni atq; fortes ciues prodierunt. Quo meliūs fecerimus nos, si hos, si hos dico? immò si patres atq; Maiores nostros, q̃ honestatis magnā semper rationē habuerūt, & non multo minùs bonis legib⁹, q̃ illa Lycurgi fuit, seipso deuinxerunt, imitati fuerimus. Ac si vlli, certè nobiles nostri atq; Principes viri, qui in oculis hominum viuunt, & alijs vel bono, vel malo sunt exemplo, ad oēs recti officij partes excitandi sunt. Quibus non solū fraudi sit, contrā quā leges publicæ præscribunt, facere: sed etiam animum ac mores non itā excolere, vt Reipub. vsui esse possint. Nam qui hoc officiū suum negligunt, nō solū pperam facere, verū etiā Rempub. cuius cōmodis seruire & cōsulere debēt, prodere quodam modo vident, vt scriptū est ab Xenophonte. homine doctissimo. Huc accedat censura illa, cuius à me antè mentio facta est, vt quo quisq; maiore ornatus est dignitate, eo grauiore infamiæ genere notet, si fortè in flagitia inciderit. Atq; hoc præclarum disciplinæ vinculum vtinā aut nunquā è Repub. nostra sublatū fuisset, aut primo quoq; tempore restitueret. Quod ipsum nobiles atq; Principes viri si dignitatem

suam

suam tanti faciunt, quanti facere debent, ita ipsi renouent, vt sceleratos ordine suo moueant, nec patiatur horum quasi contagione alios, qui ordinis sui sunt, contrà quàm decus commune postulat, infici atq; cōtaminari. Iam verò vt non solum scelerati metu pœnæ terreantur, sed bonorū etiam virtus præmijs acuat: certè benè meriti de Repub. in publicis cōuentibus ornent, & extent præclara quædam in Repub. nostra insignia virtutū. Quod quantā vim habeat, nō solum ad homines in officio continendos, sed etiam ad excitādas horum virtutes & actiones laudabiles, multa omnium ætatū exempla illustria ostendunt. Atque hæc, quæ de præmio & pœna à nobis posita sunt, non in eas angustias concludimus, vt ad nobiles & Principes viros tantum pertineant: sed tam latè ea patère volumus, vt vniuersus populus præmio inuitetur ad virtutem recteq; facta, & pœna à delictis atq; flagitijs deterreatur. Sit igitur Respub. nostra ita constituta, vt in ea posthac bonis vtile sit atq; honorificum, viuere honestè & patriā iuuare: sceleratis autem calamitosum, malefacere ac patriæ nocere. Cogitemus quantum virtus Maiorum nostrorum ipsis atq; Germaniæ nostræ existimationis bonæ pepererit. Qua nimirum virtute illi ita se exteris gentibus commendauerunt, vt cum quædam harum ciuitates constituere vellent, euocārint homines nostros, eosq; gubernaculis illarum admouerint. Hos nanq; tanti fecerunt, vt ab eis
regi

regi ducerent beatum esse: neque id iniuria. Nam in quibus ipsi & Pannonum, & Sarmatarum, & Transiluanorum ciuitatibus domicilia sua collocârunt, has itâ administrârunt, vt præ cæteris earundem regionû ciuitatibus florerent. Quòd si Maiorum nostrorum mores boni tantum profuerunt exteris gentibus, quanto maius erit nunc dedecus nostrum, si ob vitia, nescio quæ, non modò non exteris ampliùs, sed ne nostris quidem profuerimus: cum præsertim eius rei, qua patriam iuuare possimus, conficiendæ nō itâ difficilis sit ratio, dum modò & nostra, & Maiorum nostrorum instituta bona, quæ partim moribus inueteratis, partim verò decretis Conuentuum nostrorum publicis continentur, custodire, quàm rebus nouis, & ijs quidem noxijs, studere mâluerimus. Sed hæc hætenùs de moribus hominum nostrorum, nunc verò de pace atque tranquillitate. Constat, discordiam & factiones esse grauissimas illas Rerumpub. pestes, quibus res magnæ non minùs atteruntur, quàm concordia & coniunctione ciuium paræ crescunt. Nam illæ quandiù in ciuitatibus atque Rebus publicis versantur, tandiù hæ itâ agitantur, vt sint prorsus miseræ. Dedit huius quidem rei documentû Respub. nationis nostræ antè quàm constitueretur, & in vnû quasi corpus coalesceret. Quæ postea pro ea, quæ contrarijs attributa est, vi, tanto magis in concordia suo statu effloruit, quanto antè calamitosior fuerat. Et quan-

quanquàm si schisma, de quo iam egimus, ex ECCLESIA tolleretur, omnia nobis ad pacem atque cōcordiam essent faciliora: tamen si qui fortè cupiditatibus suis indulgere, quàm pijs atque quietis consilijs parère māluerint, ratio certè incunda erit, vt si non charitate, metu tamen pœnæ ad officium reuocentur. Nihil æquè discordiam atque factiones alit, ac vis atque iniuria: dum qui aut pari sunt potentia, inter se certant, aut potentiores, eos qui imbecilliores sunt, conantur opprimere, hi autem se atq; fortunas suas opibus aliorum tueri student. Quo magis cauendum est, nè leges, quas Maiores nostri de pace publica tulerunt, antiquentur: nè vel locus in Repub. nostra sit ijs, qui mālunt vi agere, quàm legibus: homines non digni, qui cum hominibus viuant, quandò ad ipsam belluarum immanitatem ità sese abijciunt. Vigeat igitur iudicium illud, quod primùm Maximilianus Cēsar ità constituit, vt in eo non minùs facilè ius suum infimi obtineant, quàm summi: & hi si in leges publicas inciderint, non minore seueritate, quàm illi, plectantur. Vigean leges publicæ, & summos atq; infimos eque teneant: id quod ad concordem Reipub. statum tanto erit aptius, quanto contrariū eius causam dat maiorem odijs, maleficijs, motibus. Ac quo maius Reipublicę nostrę sit præsidium in legibus ac iure contra factiones, seditionesque, caueatur iterum, nè cui hominum nostrorum liceat aut suo, aut alieno nomine

mine in Germania militem scribere, nisi huius rei Imperator ipse author factus fuerit, aut fortè ei, qui militem scribit, defensionis causa bellum sit gerendum. Ac quoniam callidi homines vim, quam alteris inferunt, sub specie defensionis excusare solent, intra quos fines ius huius consistere debet, decernendum videtur: nec minor in eos, qui Legi de pace fraudem faciunt, quàm in eos, qui hanc eandem non dissimulantè violant, pœna sit constituta. Ac quia leges inanes fuerint, nisi sint qui, quod præscribunt eadem, exequantur: renouetur illa Reipublicæ nostræ sanctio, vt quicunque possunt, iniuriam ab ijs, quibus vis publica infertur, depellant & turbulentos coërceant: & si moniti officium hoc suum nõ fecerint, non multo leniùs, quàm ij qui pacem turbant, mulcentur: quippe cùm non minor sit culpa eius, qui non ab alijs iniuriam propulsat, cùm potest, quàm qui eandem infert. Iam quia priuata quorundam fœdera, eaquè ità contra omnes icta, vt ne Imperatorem quidem exciperent, factiones fouerunt antehàc perniciosas: & mores nostros ità peruerterunt, vt cùm antè seditiosi communi omnium nostrùm consilio atque ope coërcerentur, per fœderatos illos aliquandiu steterit, quo minùs idem effici posset. Quo ipso quantum detrimenti Respub. nostra ceperit, huius quasi vulnera declarant, & ante oculos omnium ponunt. Itaque Lex illa Maximiliani, quæ, vt antè à nobis dictum

Etum est, vetat, nè qui fœderibus huiusmodi vel cum hominibus nostris, vel cum exterarum gentium Regibus se vlllo tempore iungant, renouanda est Renouandum est item illud saluberrimum Legis de pace publica caput, quod constituit, vt communi om̃ium Ordinum ope, arma è manibus seditiosorum extorqueantur: & eo quidem maiore cum seueritate, quòd quidam eorum, quos minimè oportet, & milites nostri in ista Reipub. nostræ quasi nocte diuturna assueuerunt populari patriam, ex huius præda sibi rem parare, & in ista sua armorum licentia spem libertatis, nescio cuius, ponere. Viuimus cum hominibus bellorum appetentibus, quos nisi pietas Christiana ad mansuetudinem flectat, mālunt potiùs rem ad arma deducere, quàm æquo cum alijs iure viuere. Quo etiam minùs illi, qui sinè iusta vllius authoritate fiunt militum concursus, ferendi sunt, eò quòd & nationi nostræ infesti sunt, & magnis motibus causam præbere videntur. Solent quidem è malis moribus bonæ leges nasci, atque hæc tum ferri solent, cùm laboratur maximè: verum nobis, vt pestes illas, quæ Rempub. nostram perturbant, tollere, atq; eam in statum, vndè decedit, quietum atq; concordem restituere possumus, nō est necesse nouas ferre leges, sed quas habemus veteres retinere, tueri, custodire. Ad quod ipsum tanto nos magis excitare debet officium nostrum, quanto turpius atque miscrius fuerit, nos vel hanc

labefactare vel deferere, & in ea nobis ipsis tātum periculorum conflare. Quoad concordēs fuimus, virtus atque arma nostra præsidio fuerunt cū singulis nobis, tum Reipub. cunctæ, & hostibus nostris terrori: sed nunc sublata concordia atque beneuolentia, nec nobis atq; patrię hoc cius asperrimo tempore opem ferimus: nec, vt antè, terrori sumus maleuolis, sed ludibrio: dum putant se artibus suis, quod conantur, efficere posse, nimirū vt nostris consilijs, nostris armis confecti fractique concidamus. Nec est, cur hīc queratis reliqua, cū vobis ignotę non sint plagę illæ, quas, dum hominibus, nescio quibus, ijsq; de nobis malè cogitantibus, gratificamur, non ita pridem accepimus. An non hac lege nati sumus, vt magnam nostrī partē patria sibi vendicet? At nunc sunt in Germania nostra, qui mālint vim atque manum patrię huic suę afferre, quā exterarum gentium vim atque iniuriam ab ea depellere. Hoc malum vt fugere, & maculam hanc atque dedecus, quod certorum hominum culpa cōtraxit, è nomine nostro, quā primū delere possimus, nihil hīc aliud dicam ego, quā quod à nobis omnibus salus publica impetrare debet: vt quas gerim⁹ simultates inter nos, deponamus quā primum: & posthāc singulari animorum consensione resistamus factiosis illis, & patrię laborāti succurramus. In ea incidimus tempora, vt hostem post homines natos potētissimum truculentissimumq; à
cerui.

cervicibus nostris non sinè graui periculo nostro ar-
cere queamus, etiam si coniunxerimus omnes copias
nostras, & communem Patriæ nostræ defensionem
gnauièr suscepimus. Itaque nisi desinamus factio-
nes ipsi nostras fouere, & nobis ipsi infesti esse, quid
tandem futurum erit nobis? ac, si studio partium inci-
tati, ijs, qui è ruinis nostris crescere cupiunt, obsequi,
quàm idem de Repub. nostra sentire, eamq; iuncta
opera tueri máluerimus, an non hanc magna cū infam-
ia nostra deferere, deferere dico? immò prodere vi-
debimur? Quare si nobis Patria, si salus publica, chara
est vt debet, ad eam curam incumbere nos oportet, vt
quacunque ratione possimus omnia, quæ discordiæ
atque factionibus materiam subiiciunt, è Repub. no-
stra primo quoque tempore tollamus, & communi
Ordinum sumptu tale in ea præsidium collocemus;
vt coërceri faciliè possint, qui leges vi atque armis per-
rumpunt, nec ex quo cum popularibus suis iure viuere
volunt. Ac si qui fortassè à quietis consilijs abhorreât,
& discordia magis quàm pace delectentur, nec velint
de suo suppeditare, vndè præsidium illud alatur: inue-
niuntur tamen non pauci omnium Ordinum viri
boni, qui quanto magis ocio atq; publicis rationibus
nostris fauent, tanto minùs consilia factionum fe-
renda putant: hi certè nec Patriæ, nec sibi deerunt, sed
quantum debebūt, conferent in eam rationē, vt præ-
sidium, quo de agimus, perniciosus certorum homi-

num conatibus opponi possit. Ac si leges apud nos tantum valuerint, quantum debebūt, & fuerint, quæ defendant innocentes, seditiosos autem cōprimant, habebimus breuē Rempub. quietam ac tranquillam, & factiosi legibus ac armis bonorum territi, consilia sua, eaque Reipub. pernicioſa, mutare cogentur. Sed de ijs, quæ ad concordiam & pacem publicam pertinent, satis iam dictum sit, si, quod vix addendū est, non prætermisero, nimirum rem pessimi exempli nō ita pridem in Germaniam nostram inductam esse, vt leuissimis quibusque nebulonibus liceat bonorum virorum nomina non solum sermonibus, sed etiam scriptis conscindere: &, quorum cōstantia, virtus, & fides erga Imperatorem nostrum atque Rempub. perspecta est, & quasi in illustri loco sita, eos acerbissimè calumniari: commēdare autem in vulgus seditiosos, vt quantum in eis est, iam non tam fraudi sit malis perperam facere, quàm bonis in officio permanere. Quod quanto minùs ferendum est, tanto maiore seueritate in authores facinoris tanti, eorumque fautores statuendum esse videtur. Verum quia ea, quæ Reipub. intersunt, constitui non faciliè possunt, nisi Princeps noster auctoritatem potestatemque iustam recupārit: de hac ipsa, quod me postremo loco facturum ostendi, nunc dicam, atque hanc Orationem eo libentiùs ingrediā, quòd ea se nobis offerunt, vt non solum potestas illa recuperari faciliè, sed per eam Patria

tria nostra ornari, & Imperium feliciter sanè propagari possit. Et quoniam quæ afferam ego, cum salute Patriæ atque vniuersi Orbis Christiani coniuncta erunt, spero rem ipsam à vobis impetraturam esse, vt Orationem hanc meam non inuiti sitis audituri. Ac primò quidem si concors atque quieta esset Respub. nostra, nec exteræ nationes tot ac tanta pericula nobis atq; vniuerso nomini Christiano conflarent, minùs esset causæ, cur in Repub. nostra maiorem Imperatoris potestatem desideraremus. Sed quia in eadē viuunt homines quidam factiosi, & tales, vt nisi potestate aliqua maiore à consilijs perniciosi deterreantur, nec legibus obediant, nec Patriam perturbare desinant: & cum Turcæ, ac quidam vicini nostri id agāt, vt Imperium nationis nostræ, quod idem Romanum est, aut transferatur aliò, aut funditùs intereat, & nos non solùm hoc insigne ornamentù nostrum, sed etiā libertatem amittamus: certè alterutrum horum euenire necesse est, vt vel Imperatori nostro maior potestas adiūgatur, vel Respublica nostra intestinis motibus & exterarum gentium armis confecta ipsa pereat. Hoc si accideret, (quod tamen omen DEVS per benignè auertat) non ità multò pòst reliquæ etiam Christianæ gentes ruerent. Est enim Germania nostra illa quasi arx, in qua orbi Christiano & opportunitate loci, & militum copia atque fortitudine tantum est præsidij, quantum in nulla alia natione. Nam
cùm

cùm Imperiũ in ea sedem suam quasi in medio Christianarum gentium posuerit, & vicina sit Italia, Gallia, Pannonia, Sarmatia: certè in quamcunq; harum nationum hostes Christiani nominis impetum fecerint, noster ei miles subuenire subitò atque commodè potest. Quod quanto nationibus illis plus auxilij ferre potest, tanto plus periculorũ eisdem esset, si hostes illi Germania nostra potirent: Nisi quis fortè putat hos eosdem cupiditates suas crudeles nostro sanguine ità expleturos esse, vt tela ipsorum postea sint quietura. Hoc qui sentit, eos non satis benè nouit, & ignorat Mahumeticis legibus ità vinciri, vt si parcant vlli Christianæ genti, graui se religione obstringi arbitrentur. Verũ illud tamen negandum nõ est, eos hoc tempore nostrum plũs, quàm aliorum sanguinẽ sitire: non quòd nobis oppressis deposituri sint arma, sed vt eisdem sanguine nostro imbutis, sperent fore, vt reliquas Christianas nationes faciliùs vincere atq; opprimere possint. Quare non solũ nostra, sed etiã omnium Christianorum interest, Imperatoris nostri potestatem, atque adeò Imperium ità constitui, vt vigeat, & pristinam suam dignitatem recuperet. In quo nos quidem tenuiore etsi aliquãdiũ satis benè beateq; viuere potuimus, non tamen in nobis Orbi Christiano tantum fuit præsidij, quãtum esse debuit, & dignitas Imperij nostri postulauit: aliàs Turcæ Byzantium nõ eripuissent Reipub. Christianæ, nec fines suos eò protu-

protulissent, vt iam è Pannonia, cuius bonam partem occupârunt, ceruicibus nostris imminere videantur. Fuit antehàc nobis atq; cunctæ Europæ perhonorificum, cum istis in Asia ipsa bella gerere, & è faucibus horum exteras gentes eripere. At nunc (prò deus immortalis) res nostræ eò reciderunt, vt non in Asia amplius, sed in finibus nostris cum eisdem pugnare cogamur. Quo magis potestati Principis nostri, atq; ad eò Imperio fauere ipsi, & operam dare debemus, vt eodè nostræ atq; Christiani Orbis res còtra còmunes hostes benè muniantur. Imperia quæ vi constant, & populos duriore seruitute premunt, minimè probo: illa autem moderata, quæ populos liberos non affligunt, sed defendunt: nec eosdem opprimunt, sed in officio tamen continent, & ab intestinis motibus auertunt, non possum non probare: Maximè si ità ferant tempora, vt necessè sit horum potentia iusta, aliorum vim iniustam & crudelem frangi. Vt enim iniustum Imperium, quod seruitute homines opprimit, perhorrendum est: ità bonum atque iustum, quod liberat eosdem atque defendit, expetendum. Inciderant in illud Iudæi, cùm ab Assyrijs capti, seruitutis durissimèq; vinculis constringerentur: sed postea tamen Cyrus, quem Deus ipse excitârat Imperatorè iustum, iugum hoc à ceruicibus illorum deiecit. Quo tempore animaduersum fuit, imperia iusta & approbari Diuinitus, & hominum generi multùm conducere. Quare

K nolin

nolim in natione nostra Imperium tale, quale & Assyriorum fuit, & hoc tempore Turcarum est, existere: Maximè tamen volo tale Imperiũ, quale priscis temporibus Cyri, & postea Caroli, Othonum, Henricorum, & Fridericorum nostrorum fuit, restitui. Nolo nos Germanos, nos inquam, per quos alij liberi esse debent, libertatem nostram pristinam amittere. Sumus profectò, sumus in eum locum deducti, vt statuendum sit nobis, vtrũ hoc tempore, quo tantis procellis iactamur, málimus seruire turpiter aut perire, an Principem nostrum maiore & ea cum potestate esse, vt maximorum periculorum metu nos liberare, atque dignitatem nostram tueri aut instaurare rectè possit. Ad quod ipsum antè etiam nobis opportunitates quædam bonæ fuerunt, sed tamen nec maiores nec meliores, quàm hoc tempore, vt si quod necessarium est rebus nostris, & tantum commodorũ afferre potest, neglexerimus, ipsi à nostra atque publica Germaniæ nostræ salute simus planè auersi. Principiò constat, Imperatorem nostrum è publico Reipub. nostræ non habere, vndè ipse ac familia eius comodè viuere possit: Abundare autem singularum regionum nostrarum Principes atque Magistratus, ad eosque tantum bonorum atque fortunarum fluere, vt nõ solum commodè, sed etiam lautè atque cum quodam splendore viuere queant. Quod quale sit, & quantũ de Imperatoris existimatione atque authoritate detrahat, non

non facile dixerim: certè alterutrum horum vſu venire neceſſè eſt, vt aut Imperator noſter ab ijs, qui in poteſtate ipſius eſſe debent, contemnatur, vt nunc tempora ſunt & mores: aut damna hæc Imperij, patrimonio ſuo, ſi quod habet vberius, quoquo modo ſarciat. Quorum alterum non poteſt non nocere Reipub. alterum verò eidem tanto minùs commodum eſt, quanto diligentius ea, vndè multum emolumentorum ad nos redit, quàm tenuia, ſi quæ habemus, curare ſolemus. Quarè vt Imperator noſter è publico noſtro tantum vtilitatis atque emolumentorum capere poſſit, quantum oportet, ſi ſuaderem Principibus Magiſtratibusq; eiufdem Reipub. noſtræ, vt quæ vectigalia publica Imperij ad ſe tranſtulerūt Maiores ipſorum, ea reſtituerent, atque ità cenſum Principis ſui ad communem omnium vtilitatem auget, non eſſet proſectò, cur quiſquam cōſilium hoc meum reprehendere deberet. Etenim ſi Longobardorū Principes cū primū regnum ſuum conſtituerent, de ſuo, quod publici iuris nullo tempore fuerat, in publicum tantum contulerunt, vt Rex eorum cenſum honeſtum habere poſſet: quanto æquius eſſet, vt nos Imperatori noſtro redderemus, quæ Maiores eius aliquandò habuerunt? Sed quia veriſimile nō eſt, Principes Magiſtratusq; noſtros à iure inueterato ſponte ſua deceſſuros eſſe, & paſſuros, vt res tãti emolumentum à ſe auferantur, nè detur cauſa motibus periculofis:

fatius esse cēseo institui vectigalia noua ad vtilitatem Imperatoris nostri, quàm vetera restitui: cū præsertim populis non æquè graue fuerit pendere vectigal nouum, quàm Principibus atque Magistratibus sua, quæ multū vtilitatis afferūt, vectigalia amittere. Ac mihi quidem videtur, populis atq; adeò cunctæ Germaniæ vectigal illud eo minùs molestum futurū esse, quòd singulorum rationes publicis cōmodis ità contineri videntur, vt quanto Imperator noster plūs poterit, tātò singuli Reipub. nostræ ciues & quietiùs viuere, & è bonis eiusdem faciliùs crescere queāt. Nam quoad Imperium nostrum beatum fuit, & Imperatorum facultates ample, maioribus nostris aditus ad magnas cū diuitias, tum dignitates non solū domi, sed etiam in Prouincijs nostris patuit. Hinc in Italia Gonzagarum, Vicecomitum, Scaligerorum, Columnensium, Malatestarum, & aliarum nobilissimarum gentium fortunæ atque ornamenta. In Gallia autem Sabaudia, Salutia atque Montisferratensium Principum opes atque dignitates magnæ atque florentes. Quas ipsas gentes è Germania nostra in illas sedes transtulerunt Imperatores nostri, & censu atque honoribus auxerunt. Quanto igitur ad vtilitatem etiam singulorum aptius fuerit in Republica nostra, virtuti bonorum talia proposita esse præmia, quàm eosdem è tenuitate Principis sui ità languere, vt in ipsa etiam patria non modò non amplas illas bono-

bonorum accessiones expectare quisquā, sed sua ægrè
tueri possit. Errat igitur quicunq; putat fore, vt quod
Imperatori soluet vectigal, perditurus sit: & non po-
tiùs benè atque vtilitèr omninò collocaturus. Verùm
enimuerò cùm Reipub. nostræ inter sit plurimùm,
vt non modò Princeps eius non tenuior sit, q̃ opor-
tet, sed aliàs etiam tantum possit, quantum dignitas
eius postulat: certè quod sibi Magistratus in natione
nostra atque Principes singularū regionum sumunt,
vt populis suis quotiès volunt arma imperent, idem
cur Imperatori publico nomine & totius Reipub.
causa non liceat, equidem non video. Ac si illis licet
imperare militem, etiam si Imperator author non fi-
at: quanto æquius fuerit, Imperatorem sinè consensu
horū euocare ex omnibus Germaniæ regionibus mi-
lites, quotiescunquè vel motus intestini sedādi sunt,
vel externi hostes arcendi? Quod cùm nunc ei non li-
ceat, nisi antè, quod agere instituit, Ordines Reipub.
nostræ ratum habuerint, sit, more nescio quo, vt qui
principi nostro parère debent, eorum ipse nutum in-
tueri cogatur. Quod quale omninò sit, mālò vos taci-
tos cogitare, quàm ipse durius quidquam p̃ferre. In-
commodum certè hoc esse Reipub. nostræ, quotus-
quisque est qui non intelligit? Nam cùm ad res benè
gerendas sæpè opus sit celeritate, quam Iulio Cæsari
primo Imperatori multas atque gloriosissimas pepe-
risse victorias memoriæ proditum est, cum primis vti-

le erit Reipub. Imperatorem tantum in ea posse, vt si-
nè vlla mora huic eidem succurrere valeat: nec ipsi
necessè sit tempus terere eo impetrando, quod pu-
blica salus exigit, auxilio, atque ità sæpè occasionem
rei benè gerendæ amittere. Ac si vnquàm antehàc
ratio illa fuit necessaria patriæ nostræ, certè hoc tem-
pore necessaria est maximè: dum quidam eorum, qui
in consilium publicum adhibentur, maiorem sui pri-
uati, quàm publici commodi rationem habere so-
lent: nec antè probant, quod Imperator petit, quàm
eis rerum nescio quarum, nec satis bonarum atque
Reipub. vtilium, licentiam concesserit. O tempora.
Ad quam peruersitatem hoc etiam accedit, quòd cùm
in milites nostros ij, q singulis populis præsunt, Prin-
cipes atque Magistratus plus quàm Imperator ipse
potestatis habere videantur, iidem milites authorita-
tem huius Principis sui iustam contemnant: nec du-
bitèt contra hunc arma suscipere, & patriæ manus ne-
farias afferre. O mores. Olì cum disciplina vetus vi-
geret, qui in militiam peregrinam proficiscebantur
homines nostri, semper Imperatorem atque ipsum
adèd Imperium patriæ nostræ in Sacramento militari
excipiebant. Sed nunc in ista rerum nostrarum per-
turbatiõe inuenies multos, qui nec Imperatoris, nec
patriæ vllam habeant rationem: & quorum arma non
minùs infesta sint Cæsari nostro atq; Reipub. quàm
exteris gentibus, ijsq; à nobis prorsus alienis. Quod
ma

malum nisi è Repub. nostra sublatum fuerit quàm primùm, periculum est, nè ipsi nos atque patriam nostram breuì funditùs euertamus. Quare si hanc beatam, & nos in ea beatos esse voluerimus, eò conferamus curam operamq; nostram, vt maior sit in posterum Imperatoris nostri potestas: nec minùs hic possit in cunctam Germaniam, quàm singuli Principes in singulos populos suos. Quod si euenerit, certè quod nunc non sinè magno nostro damno prostratum iacet, Imperium nostrum eriget se breuì, & fructus Reipub. vtilis atq; salutare tandem aliquandò feret. Ac si quis fortè metuat, nè si potestas Imperatoris ità restituta fuerit, libertas nostra in dubium vocetur: is sic habeat, Principem non terrori esse bonis, sed improbis atque sceleratis: nec eos, qui Magistratui suo tantum tribuunt, quantum debent, sed eos, qui iustum eius Imperium recusant, contrà, quàm veræ libertatis ratio præscribit, facere: quandò cupiditatibus suis improbis turpissimè seruiunt, nec eam, quam debent, rationem salutis publicæ ducunt. Fallitur enim, quicumque libertatem suam in eo constituit, vt quæ facere debet, non faciat: cùm præsertim ea demùm vera sit libertas, quam Deus ipse præcordijs hominum inserit, vt non inuiti faciant, quod officium rectum præscribit: sed libentè & legibus bonis obediant, & Magistratus suos obseruent: & caueant, nè contumacia sua horum auctoritatem conuellant.

quod

quod quatenùs homines faciunt, catenùs seruitutem carnis turpem vitant, & voluntatem suam voluntati diuinæ planè vera cum libertate accommodant. Vellem equidem omnes officium suum præstarent volentes: sed si qui fortè obiecto maioris potestatis metu cogendi sint, hoc per se multò erit melius, quàm concedere ipsis, vt spreta summi Magistratùs auctoritate, faciant quod sibi libet: idque certè non minùs, quàm equo feroci iniicere frenum: quàm permittere, vt effrenatus currat quocunquè impetu suo feratur. Quod cuiusmodi sit, & quàm perniciosum, dederunt documentum casus perhorrescendi, eorum qui cùm Imperatorè nostrum, in cuius potestate esse debebant, contemnere non dubitarent, eodem, quod excitàrant, belli incendio cōflagrârunt ipsi atq; conciderunt. Sinite me hoc loco præterire reliqua, quæ sinè acerbissimo animi dolore ne cogitare quidem possum. Et quanquàm quæ de potestate Principis nostri dixi, æqua sunt per se, bona, & Reipub. necessaria, tamen nè cui sententia hæc mea durior esse videatur, eam ità moderor: vt velim potestatem imperandi, cogendique milites, ità penès Imperatorem esse, vt tamen singulis Principibus Magistratibusq; ea, quam in singulos populos suos habent, potestas non adimatur: dum modò iidem non pluris faciant suam priuatam, quàm publicam Principis sui potestatem: nec minùs huic tribuant, quàm sibi à populis suis tributum

butum velint. Nec tamen repugnârim, si numero militum, quem Imperator euocare possit, certus statuatur modus: vt nec minor sit, quàm res postulet: nec maior, quàm vt huic sinè graui populorum damno stipendia solui queant. Nolo item perpetuum esse, quod suadeo, vectigal: sed nos hoc onere leuari, simulâc Imperium nostrum accessione aliarum gentium atq; vectigalibus peregrinis auctum fuerit. Arbitror nanque onus hoc sustinendum quidem esse, sed ad tempus tantum, vt certiore atque maiore cum immunitate viuere tandè aliquândo possimus. Intereâ verò Principes Magistratusq; nostri, si libertati Germaniæ nostræ ex animo fauent, cauebût, nè ipsi tributo extra ordinẽ imperando populis suis duriores sint, q̃ æquitas & libertas Germaniæ nostræ ferat: vt si priuatũ ipsoꝝ cõmodum publico, vt par est, cesserit, nõ sit, cur populi nostri se hac ratione nõ subleuari potius, q̃ opprimi existimẽt. Nam nõ modò nõ ab hominibus nostris plus q̃ ferre possint, exigetur: sed hi etiã è Rep. benè cõstituta atq; florente tantũ emolumentorũ capient, vt nõ facere iacturã, sed lucrari potius videant. Rectè igit, ordine, atq; è Rep. nos facturos esse cẽseo, si potestâtẽ Impatoris nostri in eum locum restituerimus, vt siue vis publica in Patria nostra suscepta, siue aliudè illata fuerit, militẽ om̃ibus Germaniæ nostræ populis impare, & puidere possit, nè quid detrimenti Patria eiusq; Impium capiat: & habeat è ve-

Ægialibus suis tantum, vndè non solùm viuere commodè, sed etiam militibus suis stipèdia soluere possit. Sperandum est, si hæc quasi fundamèta salutis publicæ iacta fuerint, fore, vt Imperium nostrũ in eum, vndè decidit, locum atque statum bonum breuì reducatur: & idem ornamētum nobis insigne, alijs autem Christianis gentibus præsidium certum sit allaturum: idq; tanto magis, quanto nunc tenuitas Imperatoris rebus cõmunibus plùs nocere videtur. Ac si non dignitas nostra, si non Patriæ decus, si deniquè non officium summum, ipsa tamen necessitas nos adducere deberet, vt opes Imperatoris nostri ad auertendam maximam à Repub. nostra pestē aueremus. Quippe cùm exterarum gentium consilia perniciofa eò nos deduxerint, vt nisi Rempub. nostram ea, quam audiuiistis, ratione primo quoq; tẽpore cõstituerimus, futurum sit, vt hac amissa, in summas nos ipsi ærumnas incidamus. Et quoniam non nostra solùm, sed etiam totius Orbis Christiani salus hoc tempore agitur, dum nos, in quorum virtute atq; armis tātum præsidij est huic, periclitamur: certè quod ego hoc loco suadeo, id oēs omnium gentium viri boni haud dubiè approbant. Qui tum demũ se beatos fore arbitrabuntur, si vos, in quos oculos suos iamdudũ conijciunt, viderint concordēs esse: atq; singulari animorum consensu & Rempub. nostram tueri, & contra hostes Christiani nominis arma ferre. Quarè tacita quasi voce sua
nos

nos rogare atque obtestari videntur, nè nobis ipsis, nè Patriæ nostræ, nè deniquè Orbi Christiano hoc eius asperrimo tempore desimus. Accedit huc opportunitatis tantum ad Rempub. nostram non solum reficiendam, sed etiam augendam atque ornandam, vt meliorem, maioremq; ne optare quidem possemus: hæc ipsam nisi arripuerimus auidè, nos ipsos fugere, & officium rectum, quod Patriæ tribuendum est, prorsus deserere videbimur. Etenim si sublati è Repub. nostra factionibus idem senserimus, nobis profectò atque exteris nationibus multum spei bonæ afferetur: sed quanto plus afferetur, si maximæ Christianorum gentes fœdere certo ac societate nobiscum coniunctæ fuerint? Talis quædam, tamq; bona gentiû earum coniunctio fuit, cum Carolus ille Magnus rebus nostris cum Imperio præesset. Quo tempore Christianorum potentia iusta tantum terrors Saracenis, atq; alijs nationibus immanitate barbaris, atque nomini Christiano infestis iniecit, vt præclarè secum agi arbitrantur, si nõ dico Christianis bellû inferre, sed sua tueri atque defendere possent. Quo minùs cõmittendum puto, vt eam, quæ hoc tẽpore se offert, occasionem ad talem cum multis gentibus coniunctionem amittamus, idq; non sinè graui damno atq; dedecore nostro. Etenim dum nos inter nos simultates acres gerimus, & aliæ Christianæ gentes seipsas intestinis belis conficiunt, communes hostes nostri intereà magis

culpa nostra, quā virtute sua ita creuerunt, ut hoc tempore nobis, atque toti Orbi Christiano ab eis periculum summum impendere videatur. E quo ipso ut eripiamur, Deus pro clementia sua infinita summam rerum nostrarum ad gentem Austriacam detulit: ad eam nimirum gentem, per quam quantum tribuere vellet Christianis gentibus declarauit, cum signum crucis est celo ostenderet tempore eo, cum Rodolpho, qui primus ex ea familia Imperator creatus fuerat, Aquisgranini more maiorum diadema imponeretur. Ostendebatur iam tum spes bonis omnibus, fore ut imperantibus Principibus Austriacis gentes Christianę respirare tandem, & metu hostium crucis truculentissimorum liberari possent. Quę spes ne falleret vllū, & si Imperium nostrum huic domui non tantum potentia, quantum dignitatis adiunxit, eandem tamen ita amplificauit, ut hoc tempore plus possit, quam omnes alij Christiani Reges: etiam si omnem horum potentiam in vnum conferas. Nam ab eo iam tempore, quo primum Austriaci Principes in sede Imperij nostri collocati fuerunt, mirum est, quantum, quamque magnis rebus aucti cumulatique fuerint: primum accessione Rhetorum, Valeriorum, Carnorum, tum Belgarum, deinde regnorum Hispania, Sicilia, Neapolitani, tum Bohemia atque Pannonia. Omitto hic prudens Marcomannorum, Quadorum, Insubrum magnos populos. Hi populi, nationes, atque regna quam late pateant per

per totam Europam, & quantū possint, quotusquisq;
est qui nescit? quę cū olim ab Imperio Romano di-
uellerentur, quo magis vires huius attenuatę fuerūt,
eo nunc magis eadem firmari atq; muniri videntur:
quandō tot regnorum, populorum atq; nationū po-
tentia in ea domo, quę cum Imperio rebus nostris
præstet, in vnum quodā modo coaluerit. Amisit tem-
poribus illis Imperium nostrū, quod vi atque armis
sibi olim pepererat. At nunc in ea, à qua regitur gen-
te, id quod tum vi extortum fuit, sinè sanguine recu-
perare videt. E quo ipso quanto minùs aut militum
virtus, aut hominum industria sibi vindicare potest,
tanto maius diuinę benignitatis atque beneficentię
lumen mentibus nostris affulget. Nam cū Impium
Orbis terrę ab eo tēpore, quo primū in natione no-
stra domiciliū suum collocauit, & Christianum fue-
rit, & tale prorsus, vt iniuriā nō faceret alteris, sed ab eis
impulsaret potius: dubitandū non est, quin huic Chri-
stianorū siue p̄sidio, siue patrocinio De⁹ antehac sem-
per fauerit. Itaq; etsi Resp. nostra sep̄ in magna picu-
la adducta fuit, tamen eam Austriacorū Principū vir-
tus iam diū feliciter sustētauit. Et, cū essent, qui gen-
ti huic inuiderent, omēsq; neruos ad hanc oppugnā-
dam intenderent, tantum tamen abfuit vt eandē euer-
tere possent, vt quāto id magis molirent, tāto illa ma-
iore & emolumentorū, & ornamentorū accessiōe au-
geretur. Carolus Dux Burgundionum, Princeps for-

tis atque bellicosus, cum impante Friderico tertio Austriaco, victrices legiones suas in Germaniam nostram duxisset, atque Nouesium obsidione premeret: Fridericus autem exercitum magnum atque bellicosum ex omnibus Germaniae populis comparasset, quo Carolus reijceretur, certe graue quoddam atque periculosum belli incendium excitari videbatur. Verum Deus pro benignitate sua eam felicitatem tribuit Imperatori optimo, ut non solum bellum hoc sine sanguine dirimeretur: sed idem etiam cum eo, quem hostem habuerat acerrimum, affinitatem contraheret. Cuius quidem rei is fuit fructus, ut hereditas Caroli ad gentem Austriacam non ita multo post deferretur. Accesserunt tum ad pristinas huius facultates Belgarum atque Sequanorum populi diuites atque florescentes: ut quod primo visum fuerat malo esse Friderico, id ei posterisque ipsius multum utilitatis attulerit. Et quamquam inuidi quidam certos Belgarum populos concitauerant, ut contra Maximilianum Friderici filium sese commouerent: tamen & hi motus sane feliciter sedati fuerunt, & Belgium ita pacatum, ut huius populi ab eo iam tempore erga Principes suos in fide nunquam vacillarent. Quid vero dicam de ea, qua idem Maximilianus affectus fuit iniuria, cum ei & sponsa & regio huius dotalis praeiperetur? Verumtamen res ita tulit diuinitus, ut hoc eius damnum magno domus suae commodo & quasi lucro sarciretur: cum regnum Hispaniarum incl-

clytum, affinitatis iure veniret in potestatem PHILIPPI filij eius, veniret regnum Neapolitanum, veniret regnum Siciliae. Ac cum nostra ætate fœderati quidam, ijque potentes, CAROLVM Imperatorem à possessione Italiae deicere vellent, & huic graue atque periculosum bellum inferrēt: eodem tempore PANNONIAE atque BOHEMIAE regna FERDINANDO fratri eius, qui rebus nostris cum Imperio nunc præest, accreuerunt, & nostrorū militū virtute territi hostes obsidionem, qua Mediolanum cinxerāt, re infecta, soluerūt.

Iam cum proximis hisce annis quidam potentes consilia contra CAROLVM Imperatorem nostrum, eiusque filium PHILIPPVM nescio quæ, & Austriacæ genti, & Germaniæ nostræ perniciose captarent: EN tibi, eidem Philippo BRITANNIÆ regina atque hæres nubit: &, quo beneficio suo DEVS clarissimam, sanctissimamque fœminam, eamque iniuria eorum, à quib⁹ minimè oportebat, oppressam ita extulerat, vt in excelso dignitatis gradu collocaretur, hanc cum eodem Philippo ad perpetuā vitæ societatem cōiunxit. Videmus iam, videmus Principes populi que Germani, DEVM antehac Austriacam gentem conseruasse ac ornasse mirabiliter: & tantum bonorū atque potētiae iustæ ad eam detulisse, vt si vlla, huius certè potentia res Christianas propè ruentes fulcire possit. Et quāquā in ijs cogitationibus, quæ illam quietam rerū nostrarū rationem, pcuracionemque cōplectuntur, magna cum
dele

delectatione animi versor, nihilq; opto magis, quàm
vt eadem res sinè sanguine & seruari & amplificari
queant in perpetuum: tamen, vt nunc sunt tempora,
optare id facilius, q̃ sperare possum. certè vt maiorem
in modum lætor, è nationibus populisq; Christiano-
rum tantas accessiões ad potentiã gentis illius eo iure,
quod om̃es gētes approbāt, factas esse: ità nō possum
non gaudere, Impatores Austriacos sep̃e signa dedisse
fortitudinis cuiusdā excellentis, atq; bella multa &
gessisse ipsos feliciter, & cōfecisse, quotiēs vel Barbari
domandi essent, vel alij hostes frāgendi. Quibus sane
p̃fligatis, & Insubres & Ligures, qui à nobis fuerāt
auulsi, recupauit idē Imperator noster CAROLVS. Re-
gnum autē Tuneti, quod è manibus Turcæ singulari
virtute excusserat, Hispaniarū regno adiunxit, & eun-
dem hostem in Pannonia ità terruit, vt armis nostris
laceffitus, pugnandi potestatem non faceret, sed sub-
duceret sese, ac trepidus pedem referret. Iam verò Fer-
dinandus, qui fratri optimo optimus Impator succes-
sit, & hoc tempore summę rerum nostrarū p̃est, quan-
tum pietatis cum virtute summa coniunxit? Cuius iu-
stitia, prudentia, temperantia, vigilantia atq; fortitu-
do, in illustri loco quasi sita, omnibus bonis p̃specta
sunt, & vno om̃ium ore celebrantur. Qui non solum
in rebus secundis fuit semp̃ animo moderato, sed eti-
am in aduersis constanti atq; magno: vt fortunam, si
quādò iniquior esset sibi, vincere videretur. Qui cū
alijs

alijs in rebus de nobis benè merit⁹ est, tum q̄ tam diu
 impetus Turcæ potentissimi atq; truculentissimi ho-
 stis solus sustinuerit, eosq; à ceruicibus nostris depule-
 rit, meritis est optimè. Ac quia idem ille hoc agit per-
 petuo, in eoq; est planè totus, vt rebus nostris languē-
 tibus mederi possit: certè nihil æquè optandū esse vi-
 detur, q̄ vt euentus optimus optimi Principis consi-
 lijs tandèm aliquandò respōdeat. De Philippo autem
 Caroli filio, eodemq; Rege Hispaniarū, quid dicā? Qui
 ità viuit, & sic se gerit, vt in eo paternæ virtutis spem
 boni omnes collocent. Ad cuius liberalitatē, pruden-
 tiam, atq; iustitiam excellentē tātum fortitudinis spe-
 cimen iam accessit, vt eum omnes gentes admirent,
 & in oculis quodam modo ferant: hic cū itā pri-
 dēm Regem potentissimum vicisset, se tamen ipsum
 maiore cum gloria vicisse videt: cū victoria ea vte-
 retur tam moderatè, nihil vt sumeret sibi insolentiùs,
 sed omnia ad honorem Dei, vndè omne bonū profi-
 ciscitur, more Maiorum suorum referret. Tali picta-
 te qui præditi sunt, hos Deus fouere, & ad eos plus, q̄
 ipsi optant, deferre consuevit. Maximilianus autem
 Ferdinādi Imperatoris filius & Bohemorū Rex, cū
 absente Carolo Imperatore Hispanias regeret iuue-
 nis, q̄ illustria virtutis signa dedit? quàm benè gessit
 omnia? vt gentiū illarum voluntates sibi conciliauit?
 In rebus autē Pannonicis non minor eius virtus elu-
 xit. Nec Ferdinandum eius fratrem præterire hīc pos-
 sum.

sum. Qui & regnum Bohemiæ singulari prudentiâ administrat: & ubi superiori anno exercitum in Pannoniam contra hostes Christiani nominis bellicosissimos duxerat, eum exultationis bonæ fructum cepit, ut ei neque consilium, neq; fortitudo ad res optimè gerendas deesse videretur. Porro Carolus Ferdinandi Imperatoris filius, qui etsi minimus natus est inter fratres, non tamen in eo minorem virtutis spem boni omnes ponunt: Quippe cum eiusmodi, tamq; excellentis sit indolis, ut ad res maximas natus esse videatur. Ex his omnibus constat, gentem Austriacam tantum & potentia & virtute hoc tempore excellere, ut ad Imperium Orbis terræ, & summum decus genita esse, & Deus per hanc, quam tantoperè auxit, rebus nostris fessis atque afflictis nunc tandem succurrere velle videatur. At cum singula Christianorum regna vim atque impetus Turcarum ægrè sustinere possint, nec Reges illorum inter se ita iuncti sint, ut alius alij opem ferat: est profectò quamobrem DE O immortalis magnas gratias agamus, quòd hisce difficillimis temporibus nostris ad gentem illam, quæ cum Imperio Germaniæ nostræ præest, tantum potentiæ atque iusti Imperij detulerit, ut Turcarum potentiæ rectè atque utiliter opponi possit. Etenim si omnes nationes atque populi, qui in potestate sunt Imperatoris nostri, & Philippi Hispaniarum Regis, cum ijs quibus Turca in Europa, Asia, & Africa imperat, gentibus

bus contuleris, vt hæ vincant hominum numero, illæ tamen & virtute militum, & armorum genere his eisdem longo interuallo antecellere videtur: nisi quis fortè putat Germanos nostros, Italos, Hispanos, Pannonos, Bohemos, Belgas cedere Asiaticò, quo Turca potissimùm abundat, militi: & naturam eos, qui Septentriones spectant, non magis ad fortitudinem animorum, corporumque robur finxisse, quàm illos, qui sub cælo viuunt calidiore. Et quanquàm copias quasdam nostras Turcæ aliquotiès afflixerunt, eas tamen victorias nec incruentas, nec sua magis virtute, quàm nostra culpa ipsis partas fuisse, præclare intelligimus: Quippe cùm parvæ manus militum nostrorum maximis atq; robustissimis horum legionibus, & tirones veteranis obijcerentur: vt si nulla alia culpa in nobis hæsisset, temeritatis tamen iure damneremur. Volo equidem nos primò omnium ad Deum confugere supplices, & nos totos benignitati eius credere atq; committere. Situm est enim in potestate eius summa, maximos atq; robustissimos hostium exercitus parua nostra manu fundere atque delere: quod Gedeoni, eiusque exercitui priscis temporibus diuinitus contigisse memoriæ proditum est: & Maximiliano Cæsari nostra memoria sæpè contigisse, nos ipsi testes esse possumus. Et si igitur desperandù non est, si fortè hostis nos militù multitudinem vincat, dum modò cetera, quæ ad rem benè gerendam pertinent,

non nimis desint: quippe cùm res militaris m̃gìs virtute militum, quàm multitudine niti, & victoria diuinitus concedi potiùs, quàm humana potentia acquiri videatur: tamen si exercitum iustum, eumq; benè armatum contra hostem educere possimus, an non satiùs fuerit hoc, quàm paucos atque inermes periculo offerre? Deus nō ità pendet è nutu nostro, vt quotiès rem temerè in discrimen adducamus, nos arbitratu nostro iuuare, & inusitata signa potentie sue dare cogatur. Qui conantur Deo ità præscribere quodam modo atque legem dare, certè & fallunt seipsos, & in leges ipsius planè cōmittunt. Christus Dominus noster, idemq; Filius Dei, omnia potuit: tamen cùm Satanasi suaderet, vt se è superiore templi parte sinè incommodo suo præcipitem daret, eaquē re potentiam suam Diuinam declararet, id noluit, cū per gradus descendere posset. Atque hoc suū exemplo monuit nos, nè si fortè facultas eorum, quibus ordine certo & vsitato vti possimus, suppetat nobis, eam nos omittamus, & conuertamur ad ea, quę inusitata ratione eueniunt, & miraculi cuiusdam singularis vim habent. Quo cautiores prudentioresquē esse videntur, qui cauent, nè plus spei quàm oportet, in robore exercitus sui ponant: & tamen cū possint iustum exercitum, eumquē benè instructum, exercitatumq; habere, nè eum, qui nec numero, nec virtute hostibus par non sit, educant. Si vllus alius, ego certè spem omnem nostram

stram in Deum conferendam puto: temeritatem tamen probare nec debeo, nec possum: hoc praesertim tempore, cum Deus nobis tribuat, ut per Austriacam domum multum sane possimus. Fecit antehac Imperator noster Carolus saepe periculum militum, quos e Germania atq; Hispania euocauerat: & quantum valeat vtriusque gentis coniuncta atque inuicta virtus, testimonio Orbis terrae comprobatum est. Neq; enim in vllum locum venerunt legiones horum, in quo non singularis cuiusdam virtutis signa dederint: ut spes ostendatur in his etiam posthac, quoad inter se coniunctae fuerint, magnum praesidium fore rebus Christianis. Sed quid si Italorum, Pannonum, Bohemorum, & Belgarum copiae accesserint? Deus quando tot, tantasque nationes, easque florentissimas eorum, qui nobis imperant, dicto audientes esse voluit, an non videtur quoddam veluti signum sustulisse nobis ad bene sperandum? An non videtur monere nos, ne, quam potentiam iustam nostrae atque omnium Christianorum utilitatis causa genti Austriacae adiunxit, eam hisce nostris calamitosissimis temporibus per summam ingratitudinem repudiemus? Hic si, quam Deus ipse offert, occasionem praecelaram rerum nostrarum constituendarum gratis animis arripuerimus, erit in proclui nobis, ut non solum communium hostium impetus posthac sustinere, sed etiam frangere, & Imperium nostrum sane feliciter propagare possimus. Ma-

thias Pannoniæ Rex etsi non tantum habebat viriū,
quantum Turcæ, tamen exercitu suo, quem patrum
nostrorum memoria in armis habebat perpetuò, & è
varijs gentibus coëgerat, quotiès cum Turcis collatis
signis pugnavit, totiès vicit, deque eis triumphos glo-
riofissimos egit. Persæ autem, qui equitum pedi-
tumque numero impares quidem sunt hostibus eis-
dem, sed fortitudine atque disciplina rei militaris si
non maiores, tamen pares, hac nostra ætate maximas
horum copias sæpè deleuerunt. Nos verò qui tam diū
Imperium Christianorum sustentauimus, si cum tot
gentibus coniuncti fuerimus tandèm, certè nec mi-
nùs quàm vel Mathias Pannoniæ Rex, vel Persæ ho-
stem hunc communem comprimere poterimus, nō
minùs dico? immò multò etiam magis: cùm præfer-
tim illum potentia, hos autem causa, cui Deus haud
dubiè pro misericordia sua fauet, superaturi simus.
Quæ cùm ita sint, postulat officium, postulat neces-
sitas non solùm à nobis, sed etiam à Principibus Au-
striacis, eorumque populis ac Regnis, vt inter nos
perpetuo fœdere simus coniuncti. Nam vt nunc
sunt tempora, communis est omnium nostrùm cau-
sa, commune periculum, communes item hostes.
Nam qui inuident Principibus illis Augustis, iidem
inuident etiam nobis, nec arbitrantur se vtrifq; no-
strùm saluis, viuere posse. Et quia animaduertunt,
quod à Respub. nostra salua est, se principes hos euer-
tere

tere nequaquam posse: nec vicissim fore, ut Imperiū nostrum intereat, quam diū ijdem illi tanta cum potentia huic præsunt: sic petunt illorum iugulum, ut nos etiam confodiant: & quam nobis afferre conantur perniciem, eandem illis etiam moliuntur. Quæ cum ita sint, videmur cum gente Austriaca ita cōiuncti esse, ut nec nos corruere queamus sinè graui huius damno, nec gens eadem sinè magna nostra calamitate cōcidere possit. Quantum autē præsidiij sit eidem, & ipsius populis, regnisq; in virtute militum nostrorum, hæc tempora planè declarant, cum hi & Pannonnes & Belgas, quotiès opus est, defendāt. Quib⁹ amissis, quid tandē futurum esset Hispanis? quid Italis? immò quid principibus gētis illius? Ac si à gubernaculis reip. nostrę dimouerent hoc tēpore ijdem Principes, an non in istis procellis nostris naufragiū facturi essemus nos breuī? an non nostris ipsi armis perituri? omitto hīc piculum grauiissimū, quod externi hostes nostri nobis cōflare non desinunt. Quare quod Principū illorū & nostra, omniūq; gētium quæ in eorundem potestate sunt, dignitas atq; salus publica postulat, ut simus omnes inter nos iūcti, id omnes summo studio expetere atq; curare debemus. Ac primū Principes ipsi, quorū necessitudinē natura ita cōstituit, ut, si alter alteri nō faueat, à seipso desciscere quodā modo, & alienus esse videat, tātō arctiore societatis vinculo inter se copulētur, quanto min⁹ vn⁹ horum damnum

potest? Quare si tantum tribuimus nobis, tantum patriæ, tantum cunctæ Reipub. Christianæ, quantum debemus, quo quisque nostrum magis gratia, auctoritate atque consilio valet, eo magis elaboret, ut Respub. nostra languens, primo quoque tempore recreetur, reficiatur, & in eum, unde decidit, statum bonum atque beatum restituatur: id quod haud dubie eveniet, si rationem huius constituendæ, atque amplificandæ, quæ se hoc tempore ultro offert, non repudiauerimus. Volo equidem Imperium nostrum florere, id tamen sine villo incommodo aliorum Christianorum populorum, immò verò magno cum comodo eorum, qui nobiscum fuerint coniuncti, atque eam censeo esse oportere fœderis, quod probo, rationem, ut nullus horum pristinam suam libertatem amittat, nec in nostram, aut vllius alterius gentium potestatem concedat. Volo nos omnes idem de salute publica sentire, & tanquam vnius corporis membra, si vnum langucat, omnes dolere: si vnum bene habeat, ac rebus secundis utatur, omnes gaudere, ut singulorum bonum commune omnium esse videatur. Volo regna illa sociorum non minus salua esse, quam Rempub. nostram. Quin rationem fœderis huius ita constitutam cupio, ut quæ regio laborat maximè, huic ab omnibus potissimum subueniatur, id quod vera æquitatis ratio postulabit: atque ut ijs, quos vel intestini motus, vel externorum hostium arma pre-

Nunt,

munt, subito possit auxiliū ferri, idq; cōmuni omniū
fœderatorum sumptu, singulę nationes illorū singu-
las legiones alant perpetuò, & copias illas iunctas in
loco opportuno collocent. Accedant ad has Bohe-
morum atq; Belgarum auxilia, ac si populi hi singuli
singulas legiones sustentare nequeant, sustentent ta-
men tantum, quantum possunt. Solet quidem quod
nobis atq; Christianis populis imminet discrimen à
Turca grauius esse eo, in quod quidā Europæ Reges
atq; populi nos sociosq; nostros adducere possunt.
Nam vt hi sese cōmoueant maximè, est tamē spes fo-
re, vt minore negotio depellere eos, aut ità reconci-
liare nobis possimus, vt cum eundem, quem nos, so-
cijq; nostri Christum colant, nālint tandē esse no-
stri amici, quàm hostes, & nobiscū atq; cum tot Chri-
stianis gentibus fœdere iungi, quàm nos atq; easdem
laceffere, id quod sinè grauiſſimo periculo suo facere
non poterunt. Et quanquàm hæc sperandā sunt, ta-
men si qui fortè horū ab armis contra nos, aut socios
nostros susceptis discedere noluerint, eam cōsiliij ra-
tionem ineundā cenſeo, vt laborantibus succurrat ab
omnibus fœderatis, idq; pro rata cuiusq; populi par-
te. Magnæ enim opes ac latè omninò patentes sunt
Germanorum nostrorū, Italorum, Hispanorū, Pan-
nonum, Bohemorum, Belgarum, vt quod onus bel-
lorum gerendorū singuli, si ab alijs non adiuuaretur,
ægrè fortassè ferre possent, id cūctis futurum sit leue.

Et

Et quanquàm rebus Christianis in virtute, robore & multitudine militum nostrorum multũ est præsidij, tamen si copiæ gentium illarum accesserint, quanto facilius non solum in Europa, sed etiam in Asia hostes communes cõprimere poterunt? Muniatur sanè Pannonia præsidio maiore, eò quòd maior atque potentior hostis ei bellum inferre solet: ac quotiès hic maioribus copijs in Regnum illud, aut vicinas gentes impetum facturus esse videtur, constituatur, vt communi omnium fœderatorum ope atque sumptu idem præsidium augeatur atque firmetur, nec intereà alijs auxilium iustum subtrahatur, quotiescunquè eodem eguerint: vt fœdus ipsum tanto sit stabilius, quãto eius, quod per se æquum est, maior ratio habita fuerit. Hoc loco, nè vobis ista prudentiã viris præscribere videar, præteribo, quæ prætereà sub deliberationem cadunt: nec dicam, quod, me etiam tacente, cogitabitis atq; curabitis, vt si quæ aliquibus fœderatorum ab hostibus crepta fuerint, his eisdem restituantur: sin quæ prætereà capta fuerint, hæc nostro Imperio, ad quod iure pertinent, adiungantur. Quod cum per se iustum fuerit, tum verò etiam æquum, vt cum Imperium Romanum penès nos sit, & res Christianorum militaris nostro potissimùm milite nitatur, res nostræ tanto magis crescere debeant, quanto plus præsidij atque vtilitatis rebus communibus afferre & possunt & solent. Et quia hîc tribuetur cuiq;

genti, quod suū est, non erit profectò, cur quenquam huius nostræ iustissimæ, vtilissimæ, atque honestissimæ societatis pœniteat. Nos autem, nos inquam Germanos, eo minùs huius pœnitebit, quo magis & potestate & dignitate Princeps noster cumulabitur: vt quos antehac hostes ægrè à capitibus nostris depulit, eos posthac, si opus fuerit, aut sedibus ipsorum pellere, aut intra fines eorūdem comprimere summa cum gloria nostra valeat. Ac si rationibus nostris ita consuluerimus, & ad officium atq; bonum publicū reuocauerimus omnia, certè Deus, qui bonis bonorum consilijs atq; conatibus mirabiliter fauet, procul dubio ita nos adiuuabit, vt Respub. nostra atque totus Orbis Christianus breuè reflorescant. Habetis hîc Principes populiq; Germani, quæ de omnibus commodis ornamentisque vestris dicenda putauî: & vos rogo, obsecro, & per sanguinem Seruatoris nostri Iesu Christi obtestor, vt si hæc videbuntur bona esse, si vtilia, si honesta, si pia, si Reipub. nostræ necessaria, ea tantum apud nos valere patiamini, quantum patriæ nostræ communis atq; ad eò totius Reipublicæ Christianæ dignitas, & publica salus à vobis impetrare debent. Testor Deum immortalē, qui solus abditos animorum nostrorū sensus perspicit, me consilium hoc nō aliò quàm ad cōmunem vtilitatē atq; dignitatem vestram referre, nec aliud petere, q̃ quod patria ipsa iure quodam suo à vobis flagitare videtur. Quæ si vna

voce

voce loqui posset, haud dubiè in hanc sententiã ager-
ret vobiscum : Ego si à vobis hoc postulare, vt mea
causa de suo quisque vestrũ priuato iure decederet,
vel mortem non dubiam adiret, an nō hoc iure quo-
dam modo facere viderer? ità eĩ genui vos, vt si opus
sit, vitam ipsi vestram pro me p̃fundere debeatis. Sed
quia tamen consilium, quod datur in præsencia vo-
bis, non solum duriora ista excludit, verũ cauet eti-
am, nè bona fortunasque vestras amittatis, nè in vl-
lius periculi flammam vos temerè conijciatis, tanto
minùs id repudiare debetis, quantò idem cum com-
modis vestris atque rationibus, siue priuatis, siue pu-
blicis, est coniunctius. Ac primũ quia à vobis hoc
petitur, vt sublati simultatibus, sitis concordēs inter
vos, & idem de Repub. de religione Dei immortalis,
deque publica salute sentiat, an non hoc illud ipsum
est, ad quod, si tacerent alij, vos tamen ipsos excita-
re deberetis? Qui nisi desieritis oppugnare vos ipsos,
& me lacerare, non modò non germani eritis inter
vos, nec ciues mei ampliùs, sed inimici, planeque ho-
stes. Nam quatenus intestina inter vos bella geritis,
mihi tãquàm matri vestræ manus infertis: immò vos
ipsos, à quibus nullum meum malum seiunctum esse
potest, læditis atque affligitis. Hoc loco si vobiscum
expostulare vellem, possem id quidem iure quodam
meo: sed quia libenter de eodem iure meo remitto, vt
vobis parcam, vos hĩc moneo tantũ atque hortor,

vt animos dignos Germanis hominibus suscipiatis; & in Repub. mea constituenda tantum tribuatis mihi, quantum salus vestra atque publica postulat. Deponite igitur simultates, si quas inter vos geritis, & in me atque Rempub. meam totis pectoribus & singulari animorum consensione incumbite. Quod ipsum & necessarium erit vobis, vt perniciem certam vitetis: & tale prorsus, vt mihi atque vobis vberimos fructus afferre queatis: Quippe cum hoc tempore tantum possitis, vt qua parte collapsa sum, non refici solum, sed ita etiam ornari possim, vt tandem non minus, non minus dico? immo etiam magis floream, quam Caroli illius magni atque Othonum tempore felicissimo florui. Habetis Principes Augustos tales, vt meliores ne optare quidem possitis, qui & volunt, & possunt me iuuare: nec solum tueri dignitatem, quam habeo ego, & vos in me, sed etiam augere atq; amplificare, si modò ipsi volueritis, & à complexu ipforum vos ipsos vestra culpa non diuulseritis. Quare si me, me inquam, matrem, quæ vos genui, auditis, habetote rationem meæ atque adeò vestræ salutis: & cauete, nè quæ hoc tempore opportunitas datur rerum vestrarum & constituendarum, & ornandarum, eam amittatis. In quo ipso si ita gesseritis vos, vt officium vestrum desiderare videtur, de me profectò, de vobis ipsis, de quæ vniuerso Christiano Orbe optimè merebimini. Hæc si Germania loqueretur vobiscum
atque